


1 4
770
10







門
號 770
卷 10



桐城吳先生

詩集

門人李嘉璧
敬題

詩文集合售
庫足銀叁兩

吳氏家刻

版權所有

翻刻盜印

貽誤來茲

嚴究不貸

詩集目次

桐城吳先生全書第四種

答劉省三軍門見寄 四首

題吳桐雲城南飲餞圖

題蕭廉甫望雲圖 二首

成都楊研星惠贈二詩依韻

奉酬並徵壽言

題張柏溪採芝圖 二首

謝丁筠卿

惠茶墨用相國贈吳南屏韻

東阿道中和曾劼剛公

子別李佛生元韻

馬通伯求見張廉卿以詩介之

乃菊裳以其先人麟軒太守冬夜課子圖見示索題余

與方氏鄰里世好近事多可感者悵然有作 旅舍勸

許八飲酒

蒙陰道題壁 二首

答王鼎丞元韻 冬

詩集目次

晴奉和李佛生元韻 次韻李佛生 次韻李佛生二

首 次韻李佛生二首 和李佛生元韻 次韻答李

佛生兼示哲嗣和度 次韻和許諫文觀察擬諸將五

首 和王晉卿雜感元韻三首 依韻送范月堂南歸

晉卿用韓孟會合聯句韻見寄依韻奉酬 晉卿垂

示新詩依韻奉酬 次韻王晉卿蠍 北征別張廉卿

即送其東游二首 依韻奉酬廉卿二首 題姚伯山

木葉庵圖二首 題劉拙菴雪灘行李圖 題拙存集

劉煊詩稿 范无錯生日次韻奉賀 答范月堂詩四

首 范君大作弟妹皆有和章老夫亦不能再嘿勉成

一首 酬張采南兼呈月堂 諸公倒用前韻要和勉

答盛望 次韻答月堂采南 次韻奉和錫九並呈采

南月堂 次韻奉酬錫九二首 錫九疊韻見示敬再

奉和二首 錫九用杜公遭田父泥飲韻賦詩見贈時

適聞廉卿將南歸忽忽不樂勉成和章 次韻謝張星

階送菊二首 次韻再答星階 星階欲結詩社依韻

答之 澹齋將求官淮上賦詩為別余弟熙甫依韻和

答以留其行因次元韻兼示熙甫四首 送薛南溟南

歸 送朱舜琴南歸 和趙鍊卿七夕詩詩七夕次日

所作 次韵答秦昌五即以留別 四首 次韵答趙鍊

卿兼別諸子 二首 棟村詠堂前丁香賦此和之 汪

菊坡名如金持示劉海峯贈其大父汪寶書先生詩冊

乃海峯手跡屬為題跋時容沛南作七古一首 前赴

冀州扶亡弟熙甫之喪至天津附海船南還作詩二首

以抒余哀 抵冀州 海上 余居蓮池姚錫九用杜公何氏山

林韵見贈十首久不暇和山東道中依韵答之 客有

持錢田間自寫詩數首示余者敬題一絕 康之同游

佛峪有詩依韵答之 攝任邱令君張琴府以東坡雪

浪石銘屬題為題七古一首 王晉卿自蜀寄所為止

園雜憶十首見示中有一首為見憶之作依韵答之不

能遍和也 次韵和姚錫九二首 故人程伯專之子

恭甫別廿餘年矣復相見於天津投詩二律頗驚狂言

依韵和答 恩縣道中見題壁詠松柏者戲題一絕

正月三日為詒甫新婦李宜人生日作詩賀之 詒甫

生子喜而有作 次韵和范仲林 二首 題姚慕庭詩

集冊尾即用集中見贈元韵 題姚叔節西山精舍圖

藤花一歲再開用歐公鎮陽殘杏韵示姚叔節 依
 韵酬姚仲實 次韵答姚叔節 季臯公子屬題相國
 臨本聖教序册子三首 題趙贊臣桃源圖 題吳蘭
 石畫册 和范月堂元韵 壽徐菽岑 贈別馬通伯
 山谷口字韵和姚慕庭 前韵和范月堂 次韵答
 趙菁衫 次韵姚慕庭冬柳 為詒甫和范月堂冬柳
 韵 甲午冬至 二首 金掄甫送酒賦謝 弔戴孝侯
 白桃花 北行七哀 七首 題飛雪度隴圖 送李
 傅相出聘海外五國三律 答姚疇九元韵 元韵答

姚錫九 依韵答蔡甫兄 二首 再和疇九 錫九用
 黃公觴字韵寄弟見示索和疇九和章亦復見及勉和
 一律 疇九用杜韵見惠依韵和答 依韵酬蔡甫
 晏誠卿廉訪出示曾文正公寄其大父彤甫都憲手書
 册子屬題 日本川崎三郎遠贈丁禹廷軍門遺墨册
 子屬寄一言相聞賦此答謝川崎君本欲道保定見過
 得急電回國將有歐洲之行其友中島成章從余遊拙
 詩即請成章轉寄 日本梅原融為其國文學寮教授
 英文寄示近作詩十許首卻寄 日本有前田九華者

少通佛典今為本願寺法師見余所寄梅原融詩以為
善欲介中島裁之而交余中島來書附寄前田見寄詩
一章即次拙詩前韵茲疊韵奉酬 日本西京本願寺
教學參議部總裁武田篤初績學有文介中島成章來
訪持日本寶刀見贈賦此奉謝兒與諸生可共和也
吳振齋同年出其尊人家誠冊子屬題即祝其七十壽
日本詩人本田幸之助自号曰種竹自本國聞余名
今由都下來訪席間詢樓桑村易水所在又麻數吾國
詩自漢魏至 國朝乾嘉諸老謂皆讀其本集能言其

得失越日遂行賦詩送之二首

日本上野岩太郎春

間自輦下來保定見訪已而介野口子勵先生寄其國
理學士山上萬次郎所撰大地志二冊手書曰昔吾國
人汗漫西遊黃金購詩流為佳話願以一詩見惠汝繪
雖不能詩不得不少答其意爰賦一律卻寄 曹溪州
出其師陳蘭洲先生手札屬題札中多論吏治為賦一
律 題山谷真蹟 次韵唁日本小原少佐 送日本
軍醫柴岡先生歸國 日本金子彌平見示近作二詩
索和次韵賦此即送其歸國 題龔仲勉 瞻麓齋

古印徵 詠秋州 寄題湖南俞廩軒中丞卧遊圖

張振卿侍郎耿鶴峯太守各用拙題卧遊圖詩韵投詩

見贈依韵卻寄 新瀋縣視學官湯原元一投詩見贈

依韵奉答兼示牛莊領事田邊熊三郎 謝大坂麥酒

株式會社村田彬贈扇 過朝鮮王京 船泊釜山追

記昨夜海行風甚一絕句 過馬關 謝松方幸次郎

赴大坂歡迎會會者七八十人吾為客客主各演說

頌詞諸公多投詩相贈金子謂主人等欲令吾即席賦

詩因賦廿八字 遊本願寺十詠 赴西京歡迎會是

曰會者七十餘人宴於也阿彌西京名勝也山色接於

欄檻泉聲鳴於簷下主客甚歡其贈答頌詞視大坂為

詳余即席賦廿字謝結會諸公 赴西本願寺之招賦

五絕一首 赴交詢會社長大島圭介今為樞密顧問

官社員請留話及詩於留音機器倉卒成廿字 土居

香國昨日席上贈詩余以羣主人來談者多不能奉和

罷席歸補成一詩寄呈 三島侍講贈詩席上次韵奉

答 土居通豫送詩疊韵答之 關義臣字湘雲少嘗

以唱義繫獄作用三島東字韵惠贈大詩依韵奉和

再疊前韵答土居香國東應曰戶招遊江島是日為主
者三省堂主人龜井忠一率其夫人及二子與席二子
皆能懸腕作字已而劍舞皆可觀夜宿最高樓上席上
賦詩贈龜井三省堂有岡正一者遊時賦二絕句甚
有詩才余次韵和之昨自江島歸得土居香國二詩
渠已五疊前韵依韵再和匆匆未及寫寄其詩意欲約
來訪不能不寄詩相聞附記於此精養軒之遊所得
序詩均未及答土屋弘昨補一詩貽書索和依韵奉酬
土屋伯毅用前韵見寄依韵奉答赴大倉之招大

倉者東京富人也蔡公使毓將軍均在席席間長岡護
美為二詩分贈余及毓公毓即席和答余歸塗乃成
移居永田町一丁目十九番地森有禮宅森槐南贈用
田綸霞古懽堂移居詩韵依韵和答森槐南前贈長
篇今依韵和之野口多内去年在吾國得古今儲貳
金鑑一帙獻其東宮其師三島毅侍講東宮以七言絕
句相謝余來東京野口已往福州未及相見其太翁持
此卷屬題因用三島元韵敬題一絕赴近衛公之招
遊御植物園長岡子爵贈詩即席和之用元韵昨森

槐南偕永坂石棟

周二

來訪永坂贈梁星巖詩集并約

今日共飲且用森君移居詩韵贈詩吾擬和答醉不及

作晨起和之 赴巢鴨風病院院長吳秀三芳溪索詩

為賦一絕 題伊藤稔子扇 永坂招至向島有菊池

君即席贈詩次韵和答 森槐南即席有贈再疊再和

結城琢寄詩索和又寄日本刀次韵答謝將託中島

代寄

二首

又寄西京知事大森鍾一絕句一首 中

島勸作字寄木下先生因作一絕 小村俊三郎索字

途間為一詩贈之 森槐南招飲坐客西京福原公亮

字周峯年七十五矣在坐盡詩人也福原有七絕見贈

依韵答之 槐南即席賦詩依韵和之 永井土居北

條三君皆用一韵贈詩依韵並答 北村前贈詩面詢

曾見否亦依韵和之 赴加藤正義郵船公司之招飲

於築地瓢室席間和毓將軍六言元韵 赴長岡氏之

招長岡即席贈詩二絕依韵和答 新岡旭字前贈詩

書扇並出一扇索書久不答今次韵和訓 日戶先生

招遊觀水上放火花日本人謂之曰川開槐南有詩依

韵奉和 木村知治晨送詩來依韵和答 森槐南書

示與本田種竹唱和媧字韻詩疊韻和答 和答岩崎
奇一七律用元韻即效其體 題迂武雄万國誌畧用
媧字韻 研經會招飲于星岡次韻答池田精一絕句
巖谷孫藏席上索詩寫付一絕 次韻和本田種竹
赴江木冷灰等檀樂會之招會中諸公月一會此第
七會也是日得贈詩十九首吾與啓兒席間各和答三
首 又次韻和江木一絕句 赴本願寺之招席上次
韻答菅了法一首 高橋作衛屬題其尊人白山翁詩
文集為賦一律 赴永井久一郎之招坐中分韻得歌

部賦一絕 濱邨衮為刻竹印求題其印譜為賦一絕
齋藤木前贈詩索和今卻寄 赴手島知德之招手
島作五律二首見贈席上和答 福岡縣有二村嘯菴
者好藏名人書畫貽詩索字依韻答之 赴郵船公司
近藤廉平之招近藤園林最勝黃昏導遊一周森槐南
即席賦詩依韻和答二首 赴上野精養軒應文部之
招有馬祐政作絕句索和依韻和之 田所美治文部
秘書官有紙索詩賦一絕句 德川家達索字為賦一
絕 關義臣前寄三絕句今索和勉次其韻 赴信夫

粲之招粲字文則号恕軒能漢文同坐者岡本正輔亦通漢學席上次韻答信夫贈詩 次韻答本田種竹赴本田種竹之招種竹有七律二首又疊前詩先韻五律二首席間次韻和其七律 携兒子往訪小野愿年八十九矣少時勤王維新後早弃官有漢學詩刻者已十卷聞吾至為一絕句依韻和之 伊澤夫人悟竹求詩為賦一絕 菊池晉見招余適忘之電話催往比到已九點鐘盡歡而散歸寓已一點鐘然菊池自午後兩點鐘已到寓迎候直至此時始散席間謝菊池晉一律

菊池倂字修軒菊池晉之父也作詩見贈依韻和之赴江木衷檀藥會之招席間次韻答江木一律 到西京往拜福原周峯^亮 福原與同社河井中島諸君招飲於圓嶠樓席上依韻和答諸友三絕句 福原昨贈詩今聞索和依韻答之 三島先生賦詩贈行途中卻寄^{光炯}催和湯原來詩勉徇其意 有備中玉島人田邊為三郎投五律一首據云在東京欲謁余聞余容多不月往煩聒今幸同船以詩為贐其詩有警句云浴硯鯨波湧登樓嶽雪開余感其意依韻和之 歸國時

下田歌子為短歌相送今令早川君譯其意蓋云幾欲
 留客而客不能留別淚漬滿衣袖願將此淚化為雨遍
 滋潤禹域芳艸感其意良厚賦一絕寄謝 船中次韻
 和早川先生 贈江叔海即送其之浙 江叔海疊用
 前韻為二詩贈予亦疊韻酬答 王子裳太守贈詩四
 首率賦一律答謝 馬通伯出示所藏姚惜抱手跡屬
 題一詩 倫叔用拙詩答王子裳韻見贈一律疊韻奉
 酬 叔節用前韻賦謝墓文再疊韻奉答 疊韻再答
 倫叔 倫叔疊韻贈詩二章賦答 五疊前韻答倫叔

六疊前韻答倫叔 七疊韻答倫叔 八疊韻答倫

叔 附 賦得桂樹冬榮 賦得蘆筍生時柳絮飛 百

花生日 五丈原懷古 附 陳伯平太守將歸長沙用

辛稼軒摸魚兒元韻留別余勉和一闕 伯平疊前韻

再贈余亦再和 三和 四和 都詩集全卷二百八

十二首附試帖四首詞四首 附錄聯語一卷

光緒甲辰六月門人賀濤宋朝楨等集貲刊行男闈生謹編次

答劉省三軍門見寄

桐城吳先生詩集

男兒三十成名將神勇真如掃籜風殺賊酬恩等閒事
手封京觀不言功

旌幢曜日壓淮肥平賊新歸慰夢思父老爭先迎馬首
將軍假沐豈多時

名在凌煙身在野知公勇退本良圖君王近日方嘗膽

漫載西施入五湖

公自注來詩
新納一姬

昔遊梁宋拜前旌許我能追定遠名近識孟堅初入幕
燕然伫看勒新銘

題吳桐雲城南飲餞圖

九陌黃塵深沒馬東華甃石碾成窩君看夾道長楸樹
迎送紛紛閱幾多

題蕭廉甫望雲圖

窗風翦翦繙書葉夢作故園花片飛白髮倚門問烏鵲
附書更不寄當歸

君昔騰驤初衣家君家蘭芝初茁芽祇今把鏡能學母
更畫窗紙成昏鴉

成都楊研星惠贈二詩依韵奉酬並徵壽言

子雲摘藻照丹霞寂寞荒亭舊所家遠裔千年通肝鬲
元文再世現曇華頗聞俳語嘲優孟已見瑰辭似景差
顧影未宜矜孔翠咸陽睇價直泥沙

儵鮀吟沙媿就陽行雲無意上高唐客愁傳舍歌彈缺
歸夢斑衣舞奉觴巾篋文書結塵網錦囊詩句乞慈航
持歸獻壽親應笑身世雜虫漫短長

題張柏溪採芝圖

公自注柏溪紹京
之戊辰正月

吾鄉文物名天下嘉道而還漸隱淪諸老風流空墓草
十年鼓角莽煙塵零陵乳穴何當復漢殿靈光尚有人

徑欲相從訪遺事好圖粉社學公麟
先皇再世得夔皋繼起翩翩席貴豪
黼黻三朝丞相業金貂七葉侍中曹
丈人老卧滄江上有子才如龍伯高
不藉聲華易儒素新看下邑試牛刀

謝丁筠卿惠茶墨用相國贈吳南屏韻

戊辰五月

驚濤捲雨飛如縱輕舟劈箭風檣摧道逢故人停櫂語
玄圭蒼璧相將來高齋瞰江渺空閣軒櫺綠淨交踈槐
主人得客便忘食試茶發墨時掀匝餅馨疊恥豈不惜
餽食加璧何其乖我貧嗜好石無癖石碾不用銚生灰

梁肉羶腴要滷雪腐儒湯餅甯能災三年奔走荒學殖
如農惰力田汙萊薑芽斂手蛛網硯窮鼠空齧欺童孩
煮藤粗識辨魚蟹磨盾敢詆穢狼豺雲腴松煤不易得
透紙怪發光咄哉故人分似豈無意封藏包裹猶疑猜
吾郡二物有包貢歲時輦致驅虺隤曷不薦此玉堂上
墮落筐篋吁可哀貴賤隨遇物亦有坐悟大化安沈霾
灑墨漸看蛇蚓結烹茶坐覺冰雪皚嗚呼君意苟如此
為試古研浮深杯江平浪靜語不極孤帆一葉乘風開
會堯枯腸出芒角摩擬姚姒追娥郤

東阿道中和曾劼剛公子別李佛生元韵

庚午九月

神驥難施鞿初駒孰鞴鞍孫揚同一顧牛早各羞餐燕

草春應綠吳江曉尚寒來船復去馬惆悵日闌干

馬通伯求見張廉卿以詩介之

張子濡大筆淋漓坐小閣客來漫謝去吾公在壑谷高

歌泣鬼神俯唾生珠玉當其得意時馬揚不能獨惜無

好事人至言不勝俗吾徒有馬生閨室夜求燭若令掃

公門籍湜儻可續寄聲作儻介此諾吾已宿忽憶求闕

翁匠門慙散木

方菊裳以其先人麟軒太守冬夜課子圖見示索題余

與方氏鄰里世好近事多可感者悵然有作

一經那敵滿籟金千載儒冠誤到今但看萬言值杯水

何須尺璧校分陰翁能炳燭娛衰齒晚有佳兒抗古心

往日幅巾堂上客夜闌把卷淚零零

公自注時太守已沒

旅舍勸許八飲酒

向來不喫漂母飯此行怕惹元規塵藏神夢汝要蒲洗

少飲無何亦可人

蒙陰道題壁

山徑崎嶇不可行朔風吹雪記從征共看裘帶今羊祜
謬許才名漢禰衡萬里清秋失鷓鴣千尋碧海吼鯨鯨
一樽此日蒙陰道泰岱摩空北斗橫
新年擊楫已東行三月巾車正北征隴麥漸高驚節候
斗杓潛轉倒璇衡片雲出嶺盤孤鶴怪石迎人立駭鯨
景物幽奇時序改銜盃青眼尚能橫

答王鼎丞元韻

王侯健筆凌曾颺綠髮紅袖羅書帷太白樓頭始相識
攜手坐看東山棋君腹便便如瓠肥我面削瓜身植鱗

幕府優賢吏事稀相與雕琢愁肝脾時復縱謔相諧熙
東極日母西因墀坐客盡驚君不疑辨口有若無當厄
當時年少石無念出看塵俗徒氛醜十年人事浮漚改
西洲再往路已迷當筵賓客各雨散憔悴塵土嗟吾衰
美人紅顏非昔好君亦折節行委隨惟餘文字感知舊
聞吐芒角搢窮羈書成發凡持語我閉門三月漣水湄
元戎持節柔萬國照耀海日森旌旗馬前奔走盡才畧
英英寶器欺琉璃君才可用進不勇拔劍起舞空傲傲
萬言杯水無用處作繭自縛如蠶絲及身強健不為樂

豈有騏駼追朱羲足音楚然君應喜知有擁髻同伸眉
冬晴奉和李佛生元韻

驕陽成功未欲去霰雪作勢行復來物運遷移望還律
交親契闊憶銜杯十年草檄通侯第九日高歌戲馬臺
鷗鷺雲天隨事改驂騑道路看君開

次韻李佛生

聖處時時見一中彈丸脫手意何窮舊來詩酒縱橫甚
別去關山夢寐通萬里功名探虎子五湖煙水沒鳧翁
行逢詹尹煩端筮護落飛揚定孰雄

次韻李佛生

投綬飄然遠世情當年三十已專城無端雲雨手翻覆
坐使滄浪歌濁清天上黃河猶可塞胸前五岳豈能平
新詩和罷才難繼候喜於今頗有聲

我友三數冥飛鴻彈射狙伺更霜風黎侯萬里方畫虎
張子千金成屠龍眼中吾子豈易得世上浮榮今已空
英雄可憐亦黃土把酒一酌湘鄉公

次韻李佛生

前日秋江涉駭濤行逢沮溺問滔滔即今海運亦將息

看子陸沈難自高小吏有時排雁鷺嬾人祇欲脫巾袍
故園兄弟如相問道我經時判馬曹

臘雪成堆欲作濤新年冰水漸滔滔潤回生意春初動
寒勒微陽氣未高寄遠好憑青玉案懷恩空記鬱金袍
似聞國論綏方外補袞無因且坐曹

和李佛生元韻

奇文非復人間世徑路風煙了可尋俗客誰通武陵擢
仙人遙見玉山岑高才正待三熏沐勁敵今宜七縱禽
八尺畫堂裹章服可憐猿鶴故園心

次韻答李佛生兼示哲嗣和度

拄笏看山吾亦得停雲仁月爾何心家雞野鷺座賓主
清聖濁賢杯淺深縹緲孤雲閒出岫因依寒鳥暮投林
桑田滄海看今熟青眼高歌聽轂音

次韻和許凍文觀察擬諸將五首

見說關城卧鼓鞞又聞應響變鳴雞三邊列障通青海
九市華筵舞白題武帝威棱歌寶馬黃支職貢記生犀
長城約束分明在可任邊人節度攜

絕域歸來更大何辦裝未辦口懸河乘槎路遠天憂大

縛馬書來國論多一借荊州還豈易盡拋甌脫議尤訛
雲蒸龍變歸神略回首滄溟久不波

四海游談願識韓壯圖先見戰皋蘭出塵軍略戈鋌老
絕塞風煙道路難麾羽幕前遲謝艾盤矛帳下渴陳安
匡時一疏扶清議早晚天山看築壇

諸葛雲霄萬古名郎君仗節事孤征料知樽俎衝能折
休道關河草不橫東閣異時陪客座宗臣高論屈人兵
家聲輝赫懷柔遠元老垂紳且仰成

卧虎潭潭守便宜人中著祭仰前知兩隅畧地無長鎖

萬國朝天有亂絲得意軒車曾寵鶴當時田獵夢非麗
艱危此日紆籌策明目仍聞岳牧咨

和王晉卿雜感元韵

以下冀州作

異時帷幄借前籌真擬阿膠止濁流盡調黃金供買鬪
眼看白手取封侯天驕忽復收螳臂海氣懸知掃蜃樓
返璧章臺君莫喜會看讓頗盛名留

公自注史記退而讓頗名重太山

皇明遠燭日所入航海梯山盡向東詢醬舊聞貪漢物
好冠尋已慕華風薦紳介冑議每異深目多髯俗大同
自笑腐儒空卹緯安危從古仗元戎

當年從事通侯第待士風流賓館開邊計屢聞高論出
宗臣一忒壯心灰祇今拓落為時弃厭見艱虞觸事來
剩欲題詩寄孤憤悲歌對子不能才

依韵送范育堂南歸

道適前無古才橫空所依心知非力强目接似君稀鉅
海收清淑幽靈餉必馭餐身蹈霄漢落筆有天機鬼物

窮艱怪烟雲眩是非一詩初北走三載悵南睇男闖生謹案

先公初知范君因見其一詩屬張濂翁招致三年而范君始至聖遠嗟遲暮行孤取罵

譏懦心恹汲短鵠且卑飛舊學行將落疲氓豈易肥

文孱逃勁敵吏隱墮重圍尚得楚音喜誰能郢質違望
溪纔一聚驩淺遽言歸覲省知何樂康強那更祈近憐
文度返久忘長公饑軾轍家全有邱軻後可幾青衫明
日脫為道欲搆衣

晉卿用韓孟會合聯句韵見寄依韵奉州西

作吏百罰滿得友一州重頽心委冥會強力覲潛勇夫
子名家孫絕代高杓聳堆簷秋嵐浮墮胸春浪涌萬生
困陵暴六籍恣培壅抽秘得緘滕躡險無趾踵開今闢
夷涂网古私斷壘水淺蛟龍拳霆迅兒童恐顧余戟翼

棲見此汗血種古心強自鞭世累徒苦冗初從亞夫營
 遠弔要離冢囊鞬屬清夷珪組謝薦寵國棟積一木夷
 居錯百拱孤憤鬱不展羣策殺愈恟蹉跎徂歲華展轉
 麋月奉觀身成支離於世若癭腫專城得王都削牘坐
 事擁談兮舌已舐問道手誰捧老子噤寒蟬諸生襍吟
 菴運斤勤樸斲求艾藥微徂明珠娛趙德香瓣焚曾輦
 豈惟誨螟蛉庶用砭俛齠音塵一瞻近耳目百震悚槁
 乾被浸灌勾萌攢葶茸充佩紉蘭荃在席聘璧珙分張
 欲追韓會合甚得隴歡悰缺月完離思懸河溶從賦魚

縱齧守官囚荷奉治安方厝火詩禮尚發冢無益箋重
 魚自縛等蠅蛹吾衰甘沈冥子出必騰踊會當凌雲霄
 慎莫競毛氄寄詩晨壓陳受敵夜築甬尚想楚然音一
 洗市聲洵

晉卿垂示新詩依韻奉

州

王侯方聞學復努宴坐書林失寒暑六籍膏腴厭含咀
 更有奇文如好女公自注山谷詩斯文如女有正色乾嘉老生名嗜古
 膾龍作鮓擘麟脯叩關欲揖天仙語藍縷百結吳鳳補
 仙人大藥搗萬杵玉膏石髓非人煮汝無靈氣神骨腐

眼見瓊漿如潑乳一滴不與返泥土獨與王侯沁脾腑
前對仙官相爾汝

次韻王晉卿蠅

王生得蠅聲聾聵有若揚解晉屠蒯黃帝淳化失虫蛾
受命獨爾君安怪捉汝呪汝放汝歸魏勃雖勇軍立潰
巧噬未厭蝸牛腹捷取但飽黃雞喙君不見死骨已寒
蟻得計皓質未汙蠅起穢蟲蝨坳熱祇取憎蟻蝨處禪
吁可慙耳目所遇徒紛拏恩怨於人誰何背蓄螫搖毒
事易防陰妬潛狙衆尤昧彼貫不罪此磔死計有一二

容少諄歇兮照壁一喜豈恆有汝怵不悛後何諄

北征別張廉卿即送其東游

昔人各有千秋抱百不施為乃箸文牝擲黃金真誤我
縞穿強箭獨憐君堂前莫漫嘲輪扁後世安能無子雲
元凱盈朝身暇豫且須呼酒叩皇墳

我歌伐木行求友鐘鉅筵摧不冑鳴海運鯤鵬通變化
氣聯龍虜有逢迎漢陽晴樹帆初遠鐘阜秋雲酒共傾
早晚揆奇窺禹穴倘因朔鴈一傳聲

依韻奉西廉卿

張僂用文娛百憂風濤入筆倒江流溪山遼落能孤往
詩句縱橫問舊游
軺傳使端窮日母樓船武節事東歐
感時默解行藏理
媿子織塵禹九州
頗怪當年韓退之
鑄劓造化使風醜
文書正復自傳道
將相從來不俛眉
一髮千鈞危莫續
九州雙鳥意尤悲
躡塵街裏餘侯喜
何日相從理釣絲

題姚伯山木葉庵圖

宦成歸作湖山主
老木蕭蕭蔭滿門
請劍除姦前日事
罷官還犢衣時恩
白雲終古留前嶺
黃葉江南失舊村

一幅畫圖無限感百年遺老幾人存

秋風江上逢君第
話舊銜杯一惘然
辛苦城南猶有宅
桑麻杜曲已無村
父書盈尺今誰讀
兄鬢如絲宦不遷
家世誦芬知未墜
士龍應住屋西邊

題劉拙菴雪難行李圖

異時馬上酬恩手
江海歌吟成秃翁
赤舌能燒樓雉上
丹心未死畫圖中
今知桔槔時為帝
古有辛毗不作公
我欲拈毫添雪景
莫從泥瓜認歸鴻

題拙存集劉煊詩稿

閒棲小巷藉疏豁枉過高軒辱重尋大句就訂多怪駭
小知何計補高深卻慙少日薑芽手忽憶南豐香瓣心
碧海鯨魚成底用看君憔悴出商音

范无錯生日次韵奉賀

顏生得依歸鑽仰失生理賈子伊管才少謫乃長已世
士好耳食人古因妄喜无錯希二子二子易與耳大化
孰終始配者實尊已坐馳天不宜徇名意故俚退之不
解事三十落牙齒不聞至人說萬物乃一指身後賢與
愚百里五十里抵死媚後人計拙望空侈我嘿公哓哓

用意各有以二塗將一可往問張夫子

答范月堂詩四首

庭槐更榮枯吾衰久矣夫癡學竊微祿兩失空居諸薄
德天不祐譴告當休居三年蝗欲起今茲復蠕蠕小人
無遠圖萌芽忽若無縱之使坐大顧乃以禳除我急往
視之稍稍開其愚尙慮安厝火未能窮根株無事豈不
好事至難濡需僕僕君勿欲何時還故吾

我行經隴麥農事方未休彌望如波濤強半登車籌天
地積不公難可測其由富者獲連軫貧無寸草收婦人

以孺子遺滯爭窮搜咄哉彼婦人不耕焉有秋從人丐
殘餘甯能存立不父老前道吾東隴復西疇六年溢水
溢高浪掩禾頭今歲麥頗豐幸給旦夕求天事不可期
甯當無後憂笑謝汝父老天者吾不謀民生勤不置不
勤今何尤

穿渠四十里三年役未已渠成甯足多不成詎非恥或
云地勢限成亦難可恃浚深時逢源那無蛟龍起溢水
西南來到海東迤邐中流挽其頽浸灌窮無止芒芒神
禹蹟明德綿千祀此邦故漳絳涓滴無今水成敗皆自

為變遷無定理但恐久實闕疏濬從今始

山川無新故彈壓要人又不才食瘠土歲久空紛紜公
來破其荒龍虎生風雲莘莘媚學子淳如苗懷新道高
輒驚眾耳語猶斷斷豈知千載曾岱嶺看浮雲平揖呼
喬松並坐分中庭下視悠悠人杯水旋螺紋我雖老不
學稍稍嘗其饅日對絕塵足愧無十駕勤昨日示新作
對索來杜韓弱才那能和聊使諸生聞

范君大作弟姝皆有和章老夫亦不能再嘿勉成一首
江湖多風波山林有獨往范子爾何為懷書方十上要

津策高足僕病未能強不見李公兒衰墨卧榛莽乃翁
人中豪詩語頗驚創一跌九幽底死公今無兩高文又
何用那能脫塵網不見武昌翁赤手狂瀾障操瑟立竿
門萬言徒糞壤逝爲沈冤鬼生有飛來謗豈況麋鹿性
能乏雲山想茆檐舊松筠綠淨恣幽賞欲去徑須去誰
使歸期爽吾寧伴賸聾奈已兆光響眼中不羈人天賦
實閑放高步騁天衢逸氣凌莽蒼迴翔翎翮勁決起風
雲壯終期汗漫遊對酒追昔曩

酬張采南兼呈官堂

來者無窮年古人嗟已往茫茫君子心突兀萬夫上扶
搖與榆枋所知焉能強我昔少年日讀書真函莽周旋
命世豪選奕稍一創終古無特操媿對景罔兩是時多
艱虞安欲紐墜網上擬勤遠略下猶乘一障此抱鬱不
展淪落遂塵壤優游美文史瑟縮忍譏謗夫千古狂狷
斐然有深想傾家散黃金折節恣幽賞邂逅陶謝手搖
豪方競爽賤子病求息嬾復逐聲響會成集驗方僭比
宣與放宿無三月春果腹遊莽蒼高問應叱避退筆那
能壯大業付公等努力繼前曩

諸公倒用前韵要和勉答盛望

吾州枉眾賓今茲乃過曩嶽嶽二三子入筆波濤壯荒
城俯平阜極目天莽蒼不有文字娛僻陋吾安放焦雁
得范子大音無細響散聲入混茫譬挹西山爽三年苦
獨唱空結千歲想吾弟病新已頗蒙擊節賞高論驚凡
愚那顧羣兒謗張侯自東來光怪壓窮壤酒賜若無底
詩心絕塵障李生最後至雛鳳落吾網拔戟各成隊挑
戰舍偏兩吾其爲得臣收卒冀少創松坡久無作幽思
墮渺莽頗似歐叔弼已被子瞻強寄聲趨趙叟詩務宜

速上過此欲少味太帆如鳥狂

次韵答冑堂采南

頗聞比夜秉燭遊吏卒守人苦未休坐思萬里雲卧壑
更憶千年人倚樓秋鴈涵江開笑口晚鶯繫馬驚遨頭
婆娑老子今無似慚媿能詩兩盛流

次韵奉和錫九並呈采南冑堂

衰容自詫髮星星尚倚餘醒傲晚晴遠客意方求勝跡
小臣心未死神京乘槎四道分天使軟血三年議越城
聖主懷柔殫率土會看雲海一澄清

次韵奉酬錫九

一官朝罷夕奇窮
贏得新編晚益工
孔翠未嫌籠局促
蜉蝣終如樹崇隆
苦言良玉攻宜火
豈識靈犀病在通
好語報君鄉信至
龍眠千嶂翠橫空

平原無地上
崔嵬僻處難逢
好客來乳臭兒童
今坐大

公自注到官時兒未絕乳

馬曹官職忝非才
那期舊友猶存問
況得

新詩有別裁
方李蕭張相次了
吾徒健在莫辭杯

錫九疊韵見示敬再奉和

因君頗怪郵無郵
詭遇弗為真賤工
少不低心今五十

家留絕學自乾隆
苦吟政復成蛇足
榮願甯當付馬通

燒卻新編逐年少
不然解縛與談空

西山遠翠聳崔嵬
拄笏時看爽氣來
新鑿小渠纔可漕

手移嫩柳亦能材
知非吾土情相得
再讀君詩恨莫裁

松菊田園盡蕪廢
載醪空倒客中杯

錫九用杜公遭田父
泥飲韵賦詩見贈
時適聞廉卿將

南歸忽忽不樂勉成和章

日余客金陵緣江
看花柳六月予武
湖爛醉觥船酒三

公千載人聲靈
振九有攜客恣觴
詠湖山落吾手盛
事

紛在眼奄忽未云久九京不可問眾賓自榮朽高者蜚
刺天下乃曳泥走賤子落燕趙公等相然否却憶濂亭
生與俗殊捨取醉翁門下客裒然子爲首高卧滄江隈
新文滿人口夜吟或達卯朝諷時及酉榻來游郊畿燕
婉兩窮叟今當捨我去兀若臂離肘少年多俊彥誰復
顧老醜姚侯君勿爾虛名但箕斗

次韵謝星階送菊

簿領昏昏閱歲華風光輸與野人家何當解帶尋荒徑
閒采東籬舊蒔花

欵帽吟風老孟嘉偶攜勝侶訪田家劇憐官舍叢猥甚
分似樊川滿鬢花

次韵再答星階

恢奇欲變風騷體襍出虞初小說家見說道人能叱石
問年徑欲到金華
星階欲結詩社依韵答之
諸公好句燦朝霞應勝河陽一縣花我願三章先約法
追逋慎莫到貧家

澹齋將求官淮上賦詩爲別余弟熙甫依韵和答以留

其行因次元韵兼示熙甫

昔隨使節薄遊燕十月寒風破浪船垂別贈言慰羈旅
相期攜手入林泉空山猿鶴挑新怨合眼江湖締舊緣
寄語醉翁門下客騎箕傳說已昇仙

垂老新彈冠上塵公卿動色舊延賓孤雲遠出千山暮
旭日初升四海春白璧輕投知有意青衫早脫豈無人
君行若向淮陽郡莫漫端居歎積薪

脩眉半額細腰死太息橫流翰墨場萬卷藏胸思健筆
千金垂肘問良方高秋今見盤鷹隼舊夢曾聞吐鳳凰

近喜惠連有佳句永嘉山水趣應長

水來端坐使君窮公自注坡詩朝賣劍仍慙渤海公作郡媿

當前輩後論文儻可一樽同行過冀野思空馬飛入青
冥更羨鴻會與丑君歸却掃故山桂樹已叢叢

送薛南溟南歸

薛郎有奇抱眸子青綵綵聽談大九州交注如建瓴又
如墨善守石道摧攻輒逸足不受鞅奇翼不噓絃吾欲
挹其盈盪祛坐寒廳寒廳何所有有萬書石經聖者骨
雖朽糟粕有光精掉棄不迴顧遠營無四溟大鐘闕奇

言集
響枉汝徑寸廷邂逅得范子高談樂羣輕眾中駭一見
謂此不聽瑩至寶久緘鏘徐徐開其高大投暹夜博餘
懋析朝醒牛年滿四野詭變示羸形閱時但俯仰新光
稍發劓魚背脫長鬣鶴抵生脩翎至教不束縛小知徒
嚼螢范子於老夫真若壘與餅謂子且勿去看祝果羸
螟昨晨遽言別去若鸞鴻驚韓公詠柏馬抗顏收後生
尚有不挽駕人事未易評范子今韓徒賢豪難合并捨
去尚不惜我言安足聽若翁殿甌海殊鄰欽德聲文度
不在膝附書望歸舲咄此難可留雛嬰促文綑爲吾謝

若翁別久心恹恹我顏老可鄙竊食專孤城盛年不再
返蹉跎石無成少壯足可惜老大空屏營

送朱舜琴南歸

嶢嶢天柱擎霄漢東望吾廬西望君自少年時通孔李
歛三石里接風雲早知墓側宜焚誓誰使山庭更勒文
馬鬣松楸無恙否憑君北旆一相聞
和趙錢卿七夕詩七夕次日所作戊子
君題怨句報佳期却憶前宵插竹祠天上一權猶未易
人間有巧欲奚爲不如更遠都忘別縱復能求豈遽施

自笑乖逢真有種雙星去後始生兒公自注兒子七月八日生今十年矣

次韵答秦昌五即以留別戊子

少日扁舟興淹留暗自驚搶榆時欲起刻楮竟何成老
乃還初服歸應愧後生更防舊相識問雁但呼卿

萬事坐不理守官媿在顏行年今已化謀食未應閑縱
酒高歌地浮嵐疊翠閒何時近鄉縣松竹望還山

令第官清汶言登孔子堂石思難縮地一割已專場余
病今求息君情定許長風謠行欲采東嚮問舟航

為問神仙尉吾行果是非翻緣苦相戀未忍遽言歸

聖代才難棄閒官病又微無為事高潔去任暫因依閩

生謹察昌五
冀州吏目

次韵答趙鐵卿兼別諸子戊子十一月

四十九年事事非從今前被瀚新機極知籠鳥無高樹
久別江鷗憶舊磯經雪晴郊天澹澹何人梅蕊總依依
子廉仲蔚皆千古那用狐疑使願違

近為州人迎趙德粗令荒學染知聞多情徑結王生鞵
銜袖頻驚漢氏文師友平生各龍象流傳箬作入煙雲
東家賀老今強健會挹微言乞與君

棣村詠堂前丁香賦此和之池以下蓮作

昨夜海棠風崇死丁香兩株坐自如絳衣徑欲噲等伍
玉質真乃相如都三月豔陽不借汝臨風倔強能久居
收香歸根養秋實散落繁花君莫卹

汪菊坡名如金持示劉海峯贈其大父汪寶書先生詩
冊乃海峯手跡屬為題跋時客沛南作七古一首

鄉邦文獻天下宗老劉詩語尤瑰雄晚作樅陽老祭酒
儋何絕學開鴻濛汪侯豈是姚王侶贈句自寫銀鉤工
私印熒熒署老翁公自注卷有印章文云老翁何所問
求又卷自署云時年七十有五

君那得壘塊胸佞諛今古一邱貉干人何事煩誅攻區
區賈謝誰齒數伊呂亦會時命通百年太平盛文物梁
棟先後百十公雙鳧乘雁能多少五鼎半菽將毋同不
如文采照後昆收藏片甲皆虬龍又恐殘墨有剝蝕終
亦變滅隨雲風古人已抱不傳死嗟豈糟粕能為功我
過樅陽弔耆舊欲訪手跡知無從兵燹摧殘見此本恍
遊東序窺鐘鏞泰山豪芒慎守寶當令一綫延無窮
前赴冀州扶亡第熙甫之喪至天津附海船南還作詩
二首以抒余哀

抵冀州

秋花猶發去年叢不見題詩病阿同落筆豈論千載後
彌天今在一棺中郊畿池館娟娟好西域醫僧數數通
獨有九京扶不起淚河迸血灑晴空

海上

冷露淒風送旅魂一船同卧死生分極知萬古均斯恨
可奈中途失此君秋老霜天橫斷雁悲來勃碣擁頽雲
草堂檢校何人事他日吾歸窆子墳

余居蓮池姚錫九用杜公何氏山林韵見贈十首久不

暇和山東道中依韵答之

平泉流入苑亂石疊成橋石上藤篁月泉傍樹拂霄古
人矜此勝世務苦相招心跡苟雙買山林未是遙
空澹一池水風光相與清擷蒿餒馴鹿倚樹聽流鶯鷓
首青蛾舫駝峯翠釜羹俊遊亦何限終願此間行
翠華昔臨幸樹羽曜金支 累聖垂 鸞藻羣公列鳳
池棧威重譯震盛事百年知即目成新故遺文萬過披
昔忝爲州曰春歸不見花坐曹難記馬畫地那成蛇歸
夢江湖好長征道里賒休居且泉石江總未還家

我有緣坡竹茆堂曲徑開低垂交矮栝斜倚得寒梅三
友兩先化昔遊今未來作書謝羣從護取映蒼苔
少日遊吳會家家好石泉名花繁勝錦芳艸軟於綿占
宅能依郭傾貲不論錢漳濱驚歲晚南望渺平川
冉冉新荷出盈盈一水香花繁衰又盛氣靜暑能涼絕
豔清波上深根厚地藏芳菲長不絕冰雪任穹蒼
姚生江海興苦愛習家池得酒輕魚袋迷花倒接籬看
君飲燕市騎馬似并兒適有貢公喜吾遊能驟隨
薄暮歸溪樹羣鳥飛蔽雲後棲隨月影高出點星文黑

白生來異雌雄竟孰分爭巢眾雛事毛血已紛紛
故人時問訊屏跡意云何信笑非吾土羈棲未足多不
成遂初賦那是采芝歌一笑吾無答空階白月過
客有持錢田閒自寫詩數首示余者敬題一絕
顛水抽萌事可傷數詩哀怨意蒼涼君看三百年遺烈
草澤書生耿未忘

康之同游佛峪有詩依韵答之
浮山山翠接湖光湖草山花撲鼻香一壑嶽寄吾欲老
十年契闊爾何鄉行逢石磴渾相識苦恨車輪不肯方

君去寄聲謝猿鶴近游物外未離忙公自注是時康之將南歸故未句云

然攝任邱令君張琴府以東坡雪浪石銘屬題為題七古

一首

至人發興真卓詭以畫喻石石喻水埋盆激水寫離堆
坐攬岷峨五千里岷峨到眼歸不得海上石芝行可食
鶴峯雪浪舞階砌高齋法供無消息閻浮一漚身一葉
嗟石與人誰王客奇章平泉真大惑不見北齊冢中石
公入誰家作階城公自注張君裝池蘇銘為圓圖圖中實以北齊墓誌亦定州所得者張君

告余云此誌石近已為人取去張侯也是好事人藏此紙本如奇珍豈

會東坡思兩孫意亦故山聊心存平山堂下君家園樹

石幽好泉娟娟何時宦成歸林泉有株石林對窪尊仇

池九華安足論

王晉卿自蜀寄所為止園雜憶十首見示中有一首為見憶之作依韻答之不能遍和也

昔我為冀州擁篲迎經師暇輒事幽討得失爭豪釐聖神久徂伏石家日紛歧捨要捃碎瑣後生滋眩疑君才實天挺為人作蒼龜顧我無一能相歡忘嘲嗤一別五

千里前蹤今安追

次韵和姚錫九二首

世事當年畧管闕九關虎豹已長辭
 田園尚負他年約泉石聊成此段奇
 束筭書來賞高趣生花筆退贖枯枝
 昨非謬意今當是一水甯分上下池
 苦憶平生老惠連一官清汶濁河邊滯
 寒便恐長身瘦小舞難容廣袖旋兄弟
 他鄉各異縣公自注令弟疇情九亦官兗郡
 懷極地復蟠天從今歲歲治行具為採風
 謠券兩賢故人程伯夢之子恭甫別廿餘年
 矣復相見於天津投

詩二律頗驚狂言依韵和答

初自藍田見玉英已知繼世有高名
 塵中浪走閒何闊燈下重逢空復情
 徂歲雲移更寫往故人別死與離生
 因君更憶文章伯炯炯雙眸擁石城

長怪鄒生大九州史遷妙筆雜俳優
 鯨鯢真見橫裨海鷗鷗何當與盛秋
 萬里戎機方浩浩百年士論尚悠悠
 腐儒空灑夏天淚安得生兒似仲謀
公自注來詩齒及犬子

恩縣道中見題壁詠松柏者戲題一絕

醜幹曾無斌媚姿天心護惜杳難知
近來梁棟甯須此

笑看高揚有所為

公自注元詩有至竟天心
深護惜幾聞梁棟走巖巒

正月三日為詒甫新婦李宜人生日作詩賀之

本自名家詠絮手搢來配作參軍妻祇今四十四生日

飯心三藐三菩提螟蛉遺種祝我類

公自注先兄孤女
已嫁未嫁皆依宜

人鳩鵲增巢聽汝樓夫壻方求句漏令壽眉應是百年

齊

詒甫生子喜而有作

辛年嘉平月見此靈馨兒阿翁四十餘官貧無遺貲為
民出死力上官邈不知前年下一檄奪縣不使治今年

使家符又令更代之流聞里父老感德自嗟茲生平所

遇官祿數不用枚好官有慈惠當路多瑕疵惡官貪又

橫乃反見謂才好官不暖席惡官久恣睢好官起又廢

惡官印纍纍好官垂橐返惡官捆載歸貴人與貧賤好

惡各有宜再見我公去吾徒何賴依受德不能報感激

在寸私天公儻有知玉麟來蛇蛇斯言豈敢任先澤或

未衰候代未及謝已聞呱呱啼昔我先君子文行高魏

巍蕭條四壁中天瑞生靈芝長老作歌頌以為鄉鄰規

公自注同治中家生靈芝數本
父友吳菊農先生為作靈芝歌休祥亦何驗竟死鬱不

言集
施有四丈夫子荆花今半萎諸孫復幾何二雛方卑飛
常恐世祚薄無人光門楣何意覩英物剖此明月胎阿
翁不媚世折臂成良醫自非脂與韋安能取世資不願
汝公卿願汝無害灾家有萬卷書祖父之所遺六籍遠
諸子文字足娛娛盛漢兩司馬劉揚班踵隨中間曹阮
陶騷雅亦未虧唐世盛文章開元元和時惟李杜韓柳
前空後難追歐王蘇黃元明代惟一歸吾縣方與姚
國朝所宗師此人皆千載至精有留貽學者如牛毛成
比麟角稀汝伯所師友曾張多文辭惜哉冉求畫垂老

無能爲願汝繼所志揮鞭箭雲馳傳家有六業好爵安
足縻

次韵和范仲林

伯子辭吾漳水傍三年吟望阻江鄉却思鞍馬凌清曉
真有詩篇入老蒼陳迹侵尋一俛仰故交離合半存亡
當時犀角今何在
看汝飛騰泣數行

張侯文筆接猗那崔蔡區區尙足多高價未嬰心得失
大聲能顧俗譏訶更聞垂老輕關塞會見長飢死澗阿
此去習池知不遠可無一和醉時歌

題姚慕庭詩集冊尾即用集中見贈元韵

海内論詩竟孰賢
狂花客慧各薪傳
使君門望歐居士
為政風流黃穎川
盡掃浮榮同脫躡
獨留新句抵囊錢
元文覆瓿尋常事
誰辨清泠玉磬編

題姚叔節西山精舍圖

詩翁載酒尋披雪
飛屐懸崖客興豪
舊事重論真夢幻
名家再世自風騷
畫圖便擬兔三窟
志業終看鶴九臯
獨有潛夫歸不得
摩挲短幅歎霜毛

公自注披雪洞名

藤花一歲再開用歐公鎮陽殘杏韵示姚叔節

去年大雪冬苦寒
花樹羸羸根幹頑
春到不自解困劣
開落草草驚莫原
過時豈復有生意
枉沐膏雨飛流潺
老藤千歲久盤礴
得氣怒發殊未闌
留芳坐待羣卉盡
嫣然孤笑青林間
我知精氣故未竭
順時自止仍軒軒
雖然乘機妄發豈
不恥收汝浮采無
為繁高花已閱年
代久顧此一瞬誰
汝攀君知此祥果
誰為笑與英少簪
華冠

依韵酬姚仲實癸巳肥

適軸乖素抱鉅牡
求親友逢迎惜才
難離索驚衰久君

自儲梗楠吾方賊杞柳誰知千載心復此一樽酒如何
尚羈旅悵然懷廣受

端筮命太筮保名遂能飛豈知精已亡虛此芟荷衣君
家好兄弟蚤能飲上池殘經何足守往濟艱難時

次韵答姚叔節

有客霜鬢鬢浩歌行路難鴻鸞新侶換鷗鷺舊盟寒昔
我相親友要予不入官祇今九折臂與子覓心安

季臯公子屬題相國臨本聖教序册子三首
會稽遺跡久煙蕪院體流傳失楷模照眼龍蛇忽驚矯

祇疑寫論付官奴

河洛少年成餓隸昭陵此論未渠公勸君火急臨章草

若問家尊故不同

那見仲將題殿榜却看內史換鸞羣倪郎自厭家雞甚
得暇求書誓墓文

題吳蘭石畫册

嘗聞太白言爲草當作蘭作蘭復何好有香能遠聞北
方地氣冷芳艸生不蕃久與吾宗處滿室堆奇芬頗疑
好事人移蘭自南垠圍繞數石本異香縱橫熏天疑天

力能化茆爲荃蓀花花自馥郁葉葉互翩翩諦視乃不見見之紙墨間吾宗笑語我此花吾後身古人成一藝傳之永永年子稱豹留皮吾皮此焉存擲筆走勸君收汝爪指痕當世不相識誰能待後昆覃思供覆瓿吁嗟楊子雲

題趙贊臣桃源圖

淵明霄漢人目覩山河改所遇當代賢玄風扇兩海持國乞與人博此蜉蝣采欲去無逃門腥臊知何奈緬懷在三古桃源寄遙嘅今君值明盛公卿交慕愛方有貢

公喜圖此意安在得無神仙境愴怛心有會豈伊再往迷一入且有待輸與弄漁人挈音聞欵乃

和范肩堂元韵

愚儒不決事須人裁可否雖得勸駕人當行乃反止說在景罔兩行止有待耳我老日積嬾萬事廢不理誰令穿木槃牛鐸闕一市往年喜晨遊近亦曠不趾尙餘濠梁想欲追惠莊軌大范今健者筆陣可橫使九天咳珠玉灑落在墨紙并時馳騁人閨位鼃與紫別君逐混濁得麻失文綺相望三石里誰能久遣此婦翁吾畏友周

旋逮羣紀踉蹌今北來韜穎入囊裏親弗兩迨隨玉樹
花交倚念此愈欲往刻日篤行李世事誰料得瀕去擔
復弛失馬有再歸然灰行復死勇進乃退耳昔疑今信
矣會合良有以遲速君當俟平生久要心豈在一晌喜
儻見徐偉長並取一諾唯

壽徐茶岑

萬馬蹂尸裹革還先公高節薄雲天崇祠真見輝千祀
遺息何曾庇一椽兩海東西游蹟在九河雷雨舌瀾懸
堂堂將種風塵老願得文章徵外傳

贈別馬通伯

故鄉五百年文獻散失多君一網收先士已隨飛鳥往
丹心尙與劫灰留更憐燕市悲歌客願結盧敖汗漫游
來者難誣知不逮勉旃吾子勿中休
倦遊曾記卧柴關看子張軍學校間千載相期有青眼
一名未得損紅顏高天但見羣飛刺大海甯聞逝水還
惜別祇謀文字飲莫牽新恨淚潺湲
山谷口字韵和姚慕庭
君昔飛聲章貢口光氣熊熊上牛斗不能束帶督郵前

扁舟徑載琴鶴還我時短衣看射虎與子徜徉山水間
披雪懸流青壁上剖罌噴沫追幽賞振衣石壁頂上行
我欲餐霞凌赤城劍苔舊刻看題宋帶索老翁疑姓榮
江山清空有如此誰能老作浪遊子我今離山向二紀
君亦進退更憂喜爾來又抱疏越絃古聲持向今人彈
南海北海取會合山中蘿葛誰當攀公相爭迎等閒事
與子忍飢還故山

前韻和范月堂

有夫白哲又甚口世才一石君八斗謫仙雄筆乞與君

問君久假何當還遺我新詩十七紙使我置身開寶間
元凱論才霄漢上草茅珍怪知誰賞似聞姓字動公卿
勸子懷書入鳳城可能白髮無甘饌忍子區區半菽榮
子言人生各有志安用建鼓求亡子使我鳴騶樹兩旌
未必親堂加燕喜我聞子語爲爽然取子小文爲子彈
焦明已自翔寥廓罔羅敷澤甯能攀雞虫得失孰非幻
江上君看千疊山

次韻答趙菁衫

廿年南北知君早及讀君書身已老濟南名士舊如雲

歷亭傳有李杜文大明湖上幾回首九衢冠蓋空續紛
 萬口轟傳子趙子朝出參尋暮圖史欲往從之中自阻
 刺字漫滅餘空紙客持巨袞遠送似千里賢豪誰辦此
 袁公高詠謝公聞惜哉軒鶴今誰羣文章仕宦魚熊掌
 芋門不用鈞天響引裾示以等身文明珠按劍吾知枉
 君獨胡為諸公上左右方圓豈能兩官高不遂與無同
 贏得詩壇牛耳長乘除相較得已多山林何必論長往
 君不見龍眠潛客休官早落魄燕市忘州鄙

附元詩

男閩生謹案此詩先君所深賞初先君未識趙公遣人贈以寫定尚書及姚氏平點漢書

來詩具述此事區區求古人於此豪傑所不為平點本中識語也

世人去官苦太早僂流翻厭風塵老天街昂壁方青
 雲高齋夜發蝓蚪文手剔灸蟬別朱紫冢疑壁漏徒
 紛紛秦灰不到伏家女斯文更炫西京史時賢評本
 有餘愛興來寫盡銀光紙設尊衢術自茲始乃言豪
 傑不為此登之四譯吾所聞同心渺渺嗟渙羣雙魚
 落空雪如掌松憲大蟹沙沙響楚然警欬若有人欵
 門戴笠來相枉蒼茫四顧已鍼芥上下千載能銖兩
 歲闌天末容憶人憑虛使我離懷長何日青山皖伯

臺漆書大簡從君往不爾荆高市上逢
刪除游俠尋

吾鄙

次韵姚慕庭冬柳

道是枯荻不作絲春來定有綠歸枝
那堪騷客悲秋後更遇神龍入蟄時
往日濃陰成瓠落向來生意讓冰澌
盤空孤秀何為者誰問寒凋有後知
為詒甫和范月堂冬柳韵
冉冉年華悔却遲根深那便氣流枝
病才蕭瑟非關地老未龍鍾已後時
輕薄繁霜嚴勝雪圓通流水晚成澌

摧藏敬避當春絮陡起因風不易知

甲午冬至

消息深秋已漸乖微陽不謂死如灰
頻驚玄武猖狂勢祇惜羲和選奕才
歲事侵尋愁欲改天心至竟挽能回
從今便覺春光近看取薦花次第開

至日開筵散鬱襟追懽倚醉一狂吟
空教坐客驚豪飲

無那霜髭折壯心歎逝撫棺真已了

男閩生謹案時在陽信署中有客死

者故論交傾蓋不妨深可憐榆塞長征士
斥盡瑤池賜

宴金

公自注近有詔冬至停宴

金掄甫送酒賦謝

梅老衝寒石卉憎更堪恣意雪侵凌瘠牛可耐逢豚敵
窮雀還驚挾彈乘何物人間桑變海誰家樽裏酒如澠
憑君領取名醪味甕底酣眠喚不磨

弔戴孝侯

聖皇方振武海水已羣飛字小庸非義謀輕自失機誰
能參彼已祇是炫從違恥論四夷學空爭一戰威聚金
持鑄錯畫餅欲充饑顏敗衰難起捐糜補亦微驅傭看
絡驛遣將競馳駢紅粉傷心別青油擲指歸刑章焉可

屈節士本來稀聞氣生儒將空羣挹德輝扶桑專筦籥
細柳閃旌旗對峙憑雙闕偏攜矢左扉孤軍三面海勅
敵石重圍星火流金彈朱殷漬鐵衣兼旬支不壞一旅
救難祈義死公何憾遺禽計或非廟謨當擇任師律在
沈幾閱歷眩三折艱難羽一揮面欺樊可斬膽怯牧奚
譏末學真膚受高言且腹誅藩籬今盡撤危急欲何依
國論大臣在忠魂志士唏左膏蕃草茂鄧血海魚肥石
戰君逾壯千秋節並巍勇增三益氣憤薄二離暉歛翮
吾無似遺蹤孰可希何當親執紼灑淚薦芳菲

白桃花

萬花爭媚豔陽天獨洗繁紅託素根朔雪瑤臺春更好
長姬練悅月移痕仙源故在誰從問玉質由來不自言
亂蕊妖枝正無限生成芳意那堪論

北行七哀

祇道羈游易別離那知一訣感無涯可憐淺草經行處
猶似停輿悵望時身後邱墳誰得問公自注吾兄弟四
人舊約死葬一家

他生緣分杳難期君看此地成何地轅馬哀鳴僕涕洟

公自注過汶隈是亡
弟五月中送別處

苦身徇職能無慟前死休官亦自豪入手林泉阻行跡

驚心塵土謝兒曹欲歸未得情多感對我無端氣忽高

最憶臨歧腸斷日遣奴緣道問疲勞公自注過東阿別
時弟遣人衛送至此

此縣
乃返

拙宦頻拋腰下綬負疴來對雪中牀人言馬失庸非福

汝覓心安不問方早識浮休歸定數可能跋涉拜醫王

今朝舊路單車過颯颯秋聲在白楊公自注過荏平往
年弟再離官所吾

勸弟往天津就西醫療疾
行至此縣遇雪第困甚

解纜乘流如昨日誰令一夕感人琴休論語笑難重得

縱復幽憂那再禁方死方生知是幻九天九地欲相尋
河公不管人冤憤一水盈盈自古今公自注過德州往
年與亡弟赴天津

自此改
水行

一騎流傳頌交讓

公自注先曾王父兄弟四人相友愛
家畜一馬無僕圍牧養也兄乘馬出

門歸則諸弟爭持馬解鞍飲
秣以為常里閭傳誦至今

百年肝蠻有前模我從遠

道貽神駿君蘊奇懷愛屋為肯為食貧謀鬻駱

公自注
弟去官

有議鬻馬者弟以余所贈
物不賣也鬻駱白香山事

卻憐齒長等亡虞揚鏢飛鞚

誰能忍乞與街東碧眼胡公自
注馬

鬻僕他時帳下收東行曾遣從君游三年奔走勞元在

一語差池去即休堂燕自來歸故至征驂昨與過西洲

汝非骨肉胡為爾灑袖霑鞍淚泗流公自
注僕

北臨燕趙東齊魯此道君曾力疾過千里弟兄忽相見

三年離別已云多祇今舊事從誰說後日孤生可奈何

書上彭殤元一貫眼前哀樂自殊科公自注自景州以
北弟初去官時從

此道至保
定視我

題飛雪度隴圖

余新有脊令之痛而此冊則姚緘齋先生省兄葭州
時作也錫九老兄屬題

隴水東西猶自可高天積雪恨難裁誰能忍淚看圖畫
 飛霰窮秋汶上來公自注昨九月途中遇雪
 送李傅相出聘海外五國三律

少時敏手事澄清老作中朝萬里城三紀景鐘功狀在
 一朝巾篋謗書盈吾君自欲優元老外國爭要枉旆
 旌卻笑班生多壯節暮年徒鬱玉關情
 昨歲軍謀取上裁似聞時論惜康哉兵家勝負元常事
 天下安危仗異才趙國祇傳吾將怯平城終見虜圍開
 即今盛軌何人繼七十乘槎貫月迴

歸朝寢處同彌勒便擬懸車返舊林漢主渾忘充國老
 桓伊卻識謝安深長風巨浪平生興白日浮雲萬里心
 環海名王挹風采更無冰炭點清襟

答姚疇九元韵
 娟娟微月隨雲流借問仙斧何年脩圓光一缺不易補
 却挂疏影當危樓坐久清寒忽似秋雨霑將徑失年求
 素娥自戲青冥裏不管人間風雨愁留君不住歸亦得
 會與乘月娛滄洲
 元韵答姚錫九

君家兄弟非常流夾河為令路阻脩嶧山令君能學我
 棄官共此酣南樓太行山色橫高秋能專一壑吾何求
 在官更盡邱壑笑對酒焉知羈旅愁嘉招欲往不得往
 宵來客夢落江洲
 再和疇九
 中國山川東北流要荒職貢以時脩款關求市徧鞬象
 海蜃突兀成高樓更陛下端居千萬秋梯航四集阜財
 求覬覦神物誰敢爾那用寒儒浪自愁期君入市訪屠
 狗暇輒相就談瀛洲

依韵答樂甫兄

小時妄意畫凌煙老覺狂謀石不然繞樹看花風送雨
 褰裳投岸浪吞天可能絕世成孤僨誰把牢愁問大圓
 君見長安冠蓋地何人發跡自祁連君來自都下
 十年賓客散如煙獨有園林尚蔚然榆柳當檐成舊隱
 藤蘿映月慣秋天極知蔭薄復誰芘空使觚剡未遽圓
 遠道相存休更別故鄉真與白雲連
 錫九用黃公觴字韵寄弟見示索和疇九和章亦復見
 及勉和一律

園沼花光阻談笑縣門山色入壺觴極知心與冰盤徹
那藉秋生碧樹涼有弟能歸吾面歎新詩欲犯子顏行

莫疑奉倩神思減乳鸞嬌鶯也斷腸男閩生謹案時疇九斷絃有側室故

未句云云

疇九用杜韵見惠依韵和答

十年藻詠樓前住到眼文書花在霧坐窗不邀古所歎

臨風時倚池邊樹傍無壯士和高歌坐嘯園林惜遲暮

姚侯兄弟吾舊遊遙山近水多歧路大姚挾册哦訟庭

吏民掩耳驚問故小姚投劾事長吟守高不使衣霑露

忽枉巾車千里餘精悍眉間色未除昔人相印弃如屣

翻為窮愁欲箸書劍有一快何足道往問獲鹿當怡如

依韵酬樂甫

士無廉藺氣三尺唾非夫望古空惆悵安身輒齟齬老

知兄弟重病有鬼神扶情至能疏闊吾方襍易于

晏誠卿廉訪出示曾文正公寄其大父彤甫都憲手書

册子屬題

異時國步仗元功一代人才駕馭中豈直大名竝諸葛

更持豪翰逼涪翁九原逝魄今誰起滄海橫流會有窮

喬木舊家文物在吐茵衰客淚珠紅
日本川崎三郎遠贈丁禹廷軍門遺墨冊子屬寄一言
相聞賦此答謝川崎君本欲道保定見過得急電回國
將有歐洲之行其友中寫成章從余遊拙詩即請成章
轉寄

從來脣齒要相親謀國寔爭一戰勛虎鬥予莊矜坐獲
雉經燕將中飛文英雄成敗難深論敵國收藏喜遠分
自媿腐儒無寸補寄聲海外謝慙慙

日本梅原融為其國文學寮教授英文寄示近作詩十

許省卻寄

昔聞晁監挂帆東摩詰新篇入褚中

公自注王右丞有送秘書晁監歸日

本詩遂使國人能漢語到今詩句有唐風鑿開渾沌傳新

業掣出鯨魚筮聖功八海瀾翻一詞客萬言杯水為誰

雄

鳳孫持令祖畫像見示為言亂後失而復得敬題一絕

一畫流傳自劫灰况如別久悵歸遲當時朝士今誰在

為想滄溟未變時

往歲六月藤花再開戲用歐公鎮陽殘杏元韻作詩示

姚未節今年六月多雨藤又再花仍用前韵志喜且示
疇九

陂塘一雨六月寒陰陰萬樹坐瘖頑老藤後時賈餘勇
造化機變誰能原往年藤花歲再放亦值夏雨流淙潺
我時哦句爲花壽怪花失勢心不闌豈其妄發不自斂
強爭妍媚俄頃間故知憑氣偶一泄有若得寵不敝軒
豈期今夏襲故跡雨中爛漫仍紅繁心知非時願久假
過眼飄墮難追攀留香忍待明歲發爲召婚友羅衣冠
日本有前田九華者少通佛典今爲本願寺法師見余

所寄梅原融詩以爲善欲介中島裁之而交余中島來
書增寄前田見寄詩一章即次拙詩前韵茲疊韵奉酬
積水焉知滄海東祇疑黑子駮濤中已驚絕域傳新學
更喜高材擅古風千歲一遊麟有德八區競逐狗分功
二塗自昔才難竝為問禪師定孰雄

日本西京本願寺教學參議部總裁武田篤初績學有
文介中島成章來訪持日本寶刀見贈賦此奉謝兒與
諸生可共和也
故人過海夜相存去復領客來凌晨客口倭言肯漢文

謬籍虛譽以身親手持寶刃古莫干語我鑄此今千年
鏃有鑄人名自鑄拔鞘閃閃光耀天逼視不敢矧敢捫

公自注容言捫則鏃不能久藏有欲淬厲出海垠公自注容言中國不能淬厲當寄日

本當其鑄時逃溪山齊戒百日斷愛恩干辟萬鍊功十

全久乃成此秋水神試人濡縷沁血痕年深至寶多堙

淪祇今存者價莫論市鄉三十駁馬干王藩故社爭流

傳貴主窈窕以文身愛容脫贈比龍泉今以似子致拳

拳我聞容語媿在顏以何當此希世珍嘗聞良冶火精

純斷髮翦指入鑪燔古法寔失歸海人操戈入室賊未

聞多密重惠良殷勤天地四方多賊茲猘猱鑿齒連為

羣有備孰敢躩吾藩利器入手膽輪困豈惟示戒衛不

然逝將持此酬恩冤周行江海清波瀾萬一兩蛟夾我

船我老雖非伙飛倫尚能入水屠腥羶善刀寄聲謝呂

虔衝天劍氣君試看

吳振齋同年出其尊人家誠册子屬題即祝其七十壽

有偉一夫古須鬣環列兕孫盡玉立看綴文章等潑水

連收科第如摘葉寸金片玉尚矜嗟大貝明珠今襍選

問君何修羣秀茁云宦不達餘委集世皆信此吾不憑

君即得志後猶接虫虫橫目誰官祿雞窠無鳳但鵝鴨
過六石免亦宜那用兒郎相補緝昨朝示我烏絲冊
細字親書摹晉帖冊中言語皆何等乃公家誠藏什襲
上言生日宴非古下言戒殺本佛法用身作則砭聾俗
使後長保如世業親舍上壽眾賓賀清坐相看庸有合
我知明哲有微愆滿眼歡華守屢怯被褐懷玉青牛經
著鎧入障白馬笈神勞偏僂生明達鬼瞰高明出燔燭
家風歛退不墜失宜有賢僂踵相躡君之有後端在此
謂闕必遂義猶愜乃公作誠正七十君今年齡亦逮及

哦詩誦芬作生日

公自注蘇詩但願白髮兄年年作生日

更擬犯嚴霜一

叩

日本詩人本田幸之助自号曰種竹自本國聞余名今
由都下來訪席間詢樓桑村易水所在又麻數吾國詩
自漢魏至國朝乾嘉諸老謂皆讀其本集能言其得失
越日遂行賦詩送之
君過樓桑陵易水遍尋勝蹟弔英雄得賢赤手能興國
報主丹心有貫虹河嶽精靈終不歇滄溟秘怪會應窮
衰遲嬾復成孤憤用韓非專慙媿虛名敵國中

吾國詩壇歲再千看君屈指溯淵源人才近頗包新舊
大雅何當更討論豈有高文能負國但愁客慧失專門
忽逢照眼風騷客坐覺 皇明散海垠

日本上野岩太郎春閒自輦下來保定見訪已而介野
口子勵先生寄其國理學士山上萬次郎所撰大地志
二册手書曰昔吾國人汗漫西游黃金購詩流為佳話
願以一詩見惠汝綸雖不能詩不得不少答其意爰賦
一律卻寄

異書斷取異山川席上從教捲大千遂覺長房真縮地

更呼騶行坐談天中分蝸角麤蠻觸一掉鼈頭炫海田
怪底雞林還好事黃金方擬購新篇

曹溪州出其師陳蘭洲先生手札屬題札中多論吏治

為賦一律庚子避地作

平生師友盡雄桀青眼高歌屬楚狂回首交遊今老大
側身天地獨蒼茫論心每媿無徐劍治郡仍聞有蓋堂
傷別傷春正無限更堪愁對越人方

題山谷真蹟以下入都作

曾太傅文正公謂學詩宜從山谷入其作字亦復學

黃今神州陸沈九京不作日本小川金三郎屬題此
卷開闔沈吟擲筆三歎枯蛇挂樹坡公戲平黃書語
也光緒廿有七年三月

論詩低首拜涪翁挂樹秋蛇體又同文采已隨勲業盡
忽逢初祖淚橫空

次韵唁日本小原少佐

文平

蚤識吾生故有涯百年世事幾歡悲那堪海客羣魚痛
正是新亭雪深時

送日本軍醫柴岡先生歸國

昨歲瘡痍故謬悠黃炎苗裔未應休禍成夷甫今如此
病在桓侯豈易瘳祇願癡兒了家事公自注柴岡嘗療治小兒之疾
驚 御苑入邊愁多君袖裏刀圭手剩欲留參活國謀
日本金子彌平見示近作二詩索和次韵賦此即送其

歸國

競欲留靈瓊誰能補衮衣高天疑徑醉遠海且羣飛邊
馬嘶丹地宮花鎖翠微園陵佳氣在管葛未應稀
君居海外州西渡幾春秋我有隆中策歸煩問仲謀
題龔仲勉心劍瞻麓齋古印徵

把卷璨琳瑯淵然思古情羸劉坐包越一技誰爭鳴印
 史始宣和繆篆留遺形導源六一公集古收纖閱豈惟
 益多聞千秋今合併賢哲所用意動有後世各自從宣
 和來按羅遍九阡元人尤耽此重之比連城區區衛青
 印虞吳歌再賡公自注謂伯生淵穎後出滋益蕃流風逮 巨清
 珍闕等禁嚮錯列同侯鯖膺鼎苦紛挐鑿別難為精譬
 如用恭顯時一廁蕭生晚得龔仲子醉古如宿醒示我
 印徵編古光浩縱橫印璽辨周漢論說堅且明何來篆
 籀家古法宗漢京陵夷典午降遷流忘舊型漢刻存者

希摹印猶錚錚近代完白翁李蔡思抗行家藏漢印章

纍纍堆滿羸公自注完白嗣君鄧守執成良不易法古

其先聲嘗聞方外學弄舊求新程如何冠帶倫視古後
 且瞠龔侯信好古請與古爭雄創獲九鼎重前模蜀狗
 輕吁嗟此篆刻壯夫故不爭可憐楊子雲覃思竟何成

詠秋艸

秋來積雨石艸死浮浪花藥猶白紅汝才豈能爭氣候
 看汝相隨斷爛中

寄題湖南俞虞軒中丞卧遊圖

猿鶴休嫌未拂衣紫泥鸞鵲有光輝徑須一棹西興去
借取晴嵐滿載歸

張振卿侍郎耿鶴峯太守各用拙題卧遊圖詩韵投詩
見贈依韵卻寄

九天春色映朝衣鑪有香煙燭有輝綠盡大明湖畔草

王孫遠別幾年歸公自注寄張張歷城人

玉塞金臺綻幾衣風塵十載損容輝兒郎正復傳高斷

不得爭珠不肯歸公自注寄耿耿為四川知縣星議去今有子又為四川知縣

新瀾縣視學官湯原元一投詩見贈依韵奉答兼示牛

莊領事田邊熊二郎泊牛莊舟中作以下遊日卒後詩

廣武狂談事渺然忽逢壯筆挾飛泉分蝸兩角國外國

見驥一毛兮又兮碧落高寒空蕩蕩白題斜舞自僊僊

漢家海寓應如舊為問扶桑命世賢

謝大坂麥酒株式會社村田彬贈扇

海底生初月波濤扇影中多君相厚意歸袖有雄風公自注起句用杜詩月生初學扇

過朝鮮王京

攘臂言兵議已踈銳身字小卻良圖分民本計適已事

竊帝一時聊自娛千載箕封遺俗在九州禹蹟遠鄰無
鯁生目睫疑空論魴鱖枯魚勢故殊

船泊釜山追記昨夜海行風甚一絕句

大海孤舟風萬里一船以外動相危卹然賊浪掀天地
卻足沈冥睡夢時

過馬關

願君在莒幸無忘法國摧殘畫滿牆聞道和親有深刻
欲移此碣豎遼陽

謝松方幸次郎

神戶作幸次郎
松方伯之子

好客佳公子匡時意念深化工通制作餘興寄山林槎
勢凌危斗泉聲答響琴娛遊多創獲出處兩驚心

赴大阪歡迎會會者七八十人吾為客客主各演說頌

詞諸公多投詩相贈金子謂主人等欲令吾即席賦詩

因賦廿八字

金子姓名彌
平通譯官

觀光論樂吾何敢縞紵當年有祖風兩海同文經法在
秦齊莫漫問雌雄

遊本願寺十詠

西京作

一燈傳過海祖印提來未低頭拜空王乞與轉輪慧來如

像

大木作高棟一國不能兩若無石圍柱頽壞欲誰仰祖師

舊日園林勝三年問劫灰臨流驚結構疑是釣魚臺漱枕

居

天上止一月自可印千池那用鑿鄰壁光輝共有之印

潭

舟勢已欲轉扶危仗柁工紫藤在彼岸祇借一帆風迴棹

廊

半

本性自山野安能供娛娛樊籠有拘檢羽毛空自奇孔雀

脛長爾何為局促難遠翥養汝費俸料怕汝不能舞鶴

水面恣游行信有濠梁樂未是貪香餌深潛時一躍金鯽

雅俗何須問生新目未窺故蹊猶自詡異種已潛移西國

花

清境一過眼顛狂興欲飛娛遊未終極整駕已催歸傍花

閣

赴西京歡迎會是日會者七十餘人宴於也阿彌西京
名勝也山色接於欄檻泉聲鳴於簷下主客甚歡其贈

答頌詞視大阪為詳余即席賦卅字謝結會諸公
西京山色好人意好於山歸國船應重人山并載還
赴西本願寺之招賦五絕一首

言訪招提寺中多古君子一笑客主人寰宇兩敝蹤
赴交詢會社長大鳥圭介今為樞密顧問官社員請留
話及詩於留音機器倉卒成卅字以下皆東京作
諸公相厚意滄海未為深我留五字句永慰別離心
土居香國昨日席上贈詩余以羣主人來談者多不能
奉和罷席歸補成一詩寄呈

智炬當時滿大千神光一歇豈齊烟微誠未必真填海
高燭終看可熟天祇道山傾鐘已應誰知薪盡火猶傳
騰坑跨谷應難免卻恐麾肱妄發鞭

三島侍講贈詩席上次韵奉答

滄溟積水隔西東不隔賢豪一寸衷豈但扶桑雲日共
直將王母宴遊同蟠飛行見蒸龍變發縱何妨論狗功
願得和清良史筆代興競盛紀崇鴻
土居通豫送詩疊韵答之

渤碣扶桑路幾千東西兩海接風烟波濤戰鬥疑無地

錦繡山河別一天得士喜符三益望有詩聞已萬人傳
衰遲愁對追風足十駕凡材不可鞭

關義臣字湘雲少嘗以唱義繫獄昨用三益東字韵惠
贈大詩依韵奉和

昔年怒鼓與江東聞有殊鄰甲在衷節士悲歌唱尊攘
中興佐命紀咸同舊遊季重頻驚逝秉義雲長罷論功
等是龍鍾後時者且籠絃手送飛鴻

再疊前韵答土居香國

入海求仙歲且千海山今見似雲烟槎頭稍稍疑侵月

盆下區區欲望天神物自應雙劍合佛光元祇一燈傳
橫行萬里無空濶始信騏驎影可鞭

應日戶招遊江島是日為王者三省堂主人龜井忠一

率其夫人及二子與席二子皆能懸腕作字已而劍舞

皆可觀夜宿最高樓上席上賦詩贈龜井

日戶名勝同文會會員

龜井先生兩兒郎文能書記武劍舞國風所重矜旅人
詩翁酒徒紛龍虎安得結客少年場鄒衍九州看一舉

烏乎安得結客少年場鄒衍九州看一舉

三省堂有岡正一者遊時賦二絕句甚有詩才余次韵

和之江島作

說與聲華貴遊子君知江島竟如何舉網得魚供異饌
因山為屋壓驚波

巖壑盤旋取勢來海濤迎門吼奔雷君看富士能招客
爭奈雲羅鬱不開

昨自江島歸得土居香國二詩渠已五疊前韵依韵再
和匆匆未及寫寄其詩意欲約來訪不能不寄詩相聞
附記於此

文字撐腸過五千詩成滿紙灑雲烟知君雄筆能搖嶽

笑我饞涎欲舐天神往未宜為跡阻面論或可以言傳
喜聞客舍高軒過忻慕從今願執鞭

精養軒之遊所得序詩均未及答土屋弘昨補一詩貽
書索和依韵奉酬

華筵高勢俯層空坐我涼秋綠樹風佳詠并能凌鮑謝
勝遊何用去濤戎映堦芳艸多情碧得酒衰顏作勢紅
成敗遠謨吾豈敢願聞快論輔車同公自注土屋弘字伯毅前寄未刻文

稿今并寄還

土屋伯毅用前韵見寄依韵奉答

酒船已是石分空更得雄談舌有風卻看林邱帶斜日
幾緣花柳駐元戎混茫海氣成樓閣頃刻山嵐變白紅
此意憑君深領取那能行路強為同

赴大倉之招大倉者東京富人也蔡公使毓將軍均在
席席間長岡護美為二詩分贈余及毓公毓即席和答

余歸塗乃成

大倉名
喜八郎

永和曾記集羣賢鄰國千秋復此筵襟抱已無王謝輩
風流今落海雲邊兩心契合金堪斷一士精誠石未堅
自古殷憂能啟聖韋絃幸佩意茫然

移居永田町一丁目十九番地森有禮宅森槐南贈用
田綸霞古懽堂移居詩韵依韵和答

槐南文鞅飛雲車箬書穰穰堆滿家有時羽獵建旗鼓
曲隊堅重僵麕麇昨者長歌辱投贈句勢矯若龍衙衙
恍對鄙宗淵穎作矜奇門險從傾斜薑芽斂手不敢和
突兀枯樹安能花翻笑豎儒不解事妄題繭紙如昏鴉
今來卜居上仁里忽驚羯鼓花前搗虜軍逃戰迫窮險
有媿郢曲隨軒媧

森槐南前贈長篇今依韵和之

維昔王會汎濡涵寰區大夏朝所函舟車人力限瀛海
羨門高誓流荒談秦漢踵起仙天子遣使入海恣窮探
黠者得地止不返挾童男女行趨趨樓居仙人渺何許
芝英瓊華空咀含西征博望始鑿空定遠繼起俗誦諳
後內多變罷遠涉西海絕域無由參先文陸績成後野
一女持刀敵石男怪鯨未掣羣洶洶窮虎就縛猶耽耽
負山一嶠死冰雪入海千尺仇蚌蚶龍變爲魚競權燄
雉鳴求牡或心媿獨立千載唯禹域右文弛武樂且耽
我朝騎射改故俗箭鏃遠過戟鏃鏃百年無事民安

堵高厦大屋居耽耽崇極而圮古固有威霸一歇垢屢
含此時殊鄰化日進奇材奧學來參譚確邦孟晉廣忠
益取長補短宅心禪生徒滿街學成市聲績所樹芝蘭
醴自初興革迄茲盛年以十數者才三近聞物競天演
學吾君劫法方憂憐人才衰王繫國脈欲培杞梓收
棟栳佔畢小夫承乏使敢云盛筵歸囊龕文明大化本
公物所睇遠耀光延覃此來接納盡名彥所到妙法聞
瞿曇皆云兩國輔車勢相從無異靳與驂乘車遊野迷
七聖面牆正立求二南精能要眇非口說海波鼎鼎山

嶼嶼但冀壅培得管葛那用沈隱追彭聃學舍朝遊問
 師泐酒樓夜宴懽朋簪夜宴朝遊日不給時復抽暇尋
 山嵐好雨酥潤苗冉冉名園綠淨花醜醜選勝追歡不
 絕息卻望故國中懷慙失禮尚可求之野問官何幸聞
 諸郊努力變化不沿襲至言藥石如飴甘精衛填海有
 冤憤魯陽迴日非癡憨威棱會當更遠讐完鄰走敵收
 贖倏風雷變化人不測龍象蹴踏驢豈堪雞壘桔梗時
 為帝甘遂葶能逐痰鳳池夔龍濟時出衰朽行歸謀
 石儋

野口多內本年在吾國得古今儲貳金鑑一帙獻其東
 宮其師三島毅侍講東宮以七言絕句相謝余來東京
 野口已往福州未及相見其太翁持此卷屬題因用三

島元韻敬題一絕

公自注原書莊親王永瑤所書

聖主傳賢舜禹同自君作故罷儲宮尚餘一卷元良鑑
 留贊鄰邦輔翼功

赴近衛公之招遊御植物園長岡子爵贈詩即席和之
 用元韻

御園軒敞麗非常珍賜真成出上方廣樂疑張洞庭野

仙禽來自白雲鄉一彼一此疆場事三沐三薰言語長
多謝名卿規勉意咸池浴日看新光

昨森槐南借永坂石埭周二來訪永坂贈梁星巖詩集

并約今日同飲且用森君移居詩韵贈詩吾擬和答醉
不及作晨起和之

玉池昔多長者車戶外履滿皆詩家主人一忝客星散

空舍潛走蛇豕麤弟子傳衣坐補處戲呼屈宋官押衙
貽我明珠百十二字向紙上能橫斜我昨御園恣遊覽
珍禽異羽仙都花樊籠盆盎失自在豈如野卉巢林鴉

狙擊兇強車欲中唾罵奸惡鼓能搗聞君一言天可補
擬借片石從皇媧

赴巢鴨風病院院長吳秀三芳溪索詩為賦一絕

我有儒生自聖顛縱求妙藥也難痊憑君乞與刀圭手

蘇醒清狂萬萬千

題伊藤稻子扇

稻子殷勤費主張頓忘遠役在他鄉壁枝花朶渾閒事
不數當時黃四孃
永坂招至向島有菊池君即席贈詩次韵和答

詩書發冢浪名儒眼見顛危問孰扶欲把匡居命着蔡
可能魏闕勝江湖側身天地多幽憤屈指賢豪想壯圖
神禹九州終不改磨牙鑿齒少安無
森槐南即席有贈再疊再和

渾流誰與辨淄渾美酒酡顏已不勝聊借佳人發孤笑
不須佛慧記傳燈

君詩有味美如澠欲抗顏行媿不勝願放光茲照千劫
長明不數佛前燈

結城琢寄詩索和又寄日本刀次韻答謝將託中島代

寄

名家父子張吾軍大雅扶輪思不羣已向交遊照肝膽
更將翰墨策功勳酒酣斫地芙蓉劍刃巨摩天李杜文
允氣一時同入手為君起舞緬皇墳

結客場中表少年相逢傾蓋惜離筵看雲一笑世新故
醉月時中酒聖賢齊魯祇今爭一變參商終古不同躔
螺螄那便能吞象寄語知音莫浪傳

又寄西京知事大森鍾一絕句一首
遠客未能知國禁賢侯為我指南車一談已勝十年讀

信是精微不在書

中島勸作字寄木下先生因作一絕

木下名廣次
西京大學長

木鐸先生樂育才宜移桃李海西栽不須縮地長房術

捲起西京大學回

小村俊三郎索字途間為一詩贈之

故人昔遊禹九州俯視人物如沐猴眾中遇我青兩眸
謂非京華冠蓋儔竭來浪作扶藜遊接伴得子銷客愁
雄邦文彦日相求欲語子乃探我喉國是魏邴能謨謀
與子且訪林泉幽子當起任蒼生憂吾歸當具鷓夷舟

選得名勝吾菟裘西風東雲日分流脫有雙魚寄我不

男闔生謹察時值吳敬恒
之變故詞意憤鬱不平

森槐南招飲坐客西京福原公亮字周峰年七十五矣

在坐盡詩人也福原有七絕見贈依韻答之

欲借層雲一盪背歸然魯殿忽相逢坐中詞賦翩聯客

爭似芙蓉第一峰

槐南即席賦詩依韻和之

詩家積債不能閒淺陋成邦媿在顏佳客豈能收雨脚
好詩纔可發天慳君知盛氣能鞭石那信孱王可拔山

誰使穹蒼成物競會應推破此人寰

永井土居北條三君皆用一韵贈詩依韵並答永井名久一郎

北條名直方字鷗所

詞筆真能繼兩京閒心又與白鷗盟高才世已推平子

小賦人傳是晚晴衰屐及今逢盛會并箕從古屬虛名

秋風忽憶橫汾句愁裏驚看白髮生

北村前贈詩面詢曾見否亦依韵和之

往日飯心在馬揚衙門手此樂洋洋祇今學術當全變

安得東西併一堂

赴加藤正義郵船公司之招飲於築地瓢室席間和毓

將軍六言元韵

酒中彭年顏駐筆下鄒律春生四時平分無迹秋在樹

間有聲

赴長岡氏之招長岡即席贈詩二絕依韵和答

侯家窈窕好房櫳遶檻長流動遠空烟雨樓臺一樽酒

君看霽月薄雲中

君向交遊問性真冰霜厯盡賸閒身共君一夕談風月

撲盡緇衣萬斛塵

新岡旭宇前贈詩書扇并出一扇索書久不答今次韵

和訓 文盛問對真水露秋盡問長共香一之煩風月

世恣爭鳴本代興春花秋月不相應先生近日成何事

永夜清吟看玉繩 夢覺空山雨點聲一書

日戶先生招遊觀水上放火花日本人謂之曰川開槐

南有詩依韵奉和

火樹銀花信壯觀靚妝炫服遶朱欄祇疑遠海黃金闕

欲奪中天白玉盤但有神光燃者易縱多高熇熱雲難

休言下策攻非計 元詩有用以相攻策真下句 曲突憑君竈上看

木村知治晨送詩來依韵和答

水上繁星競欲流炎風四射不知秋君看赤壁燒兵後

祇有髯蘇作勝遊

森槐南書示與本田種竹唱和媧字韵詩疊韵和答

老槐肖富書五車罷官直以詩為家田生才多喜鬥險

窮苴罄杙遮麀麀二子詩壇兩堅敵應兵報復如彭衙

我衰筆退秃無穎齒搖髮脫暮景斜是身突兀菩提樹

過眼豔麗優曇花心澗有若先竭井才鈍欲擬後棲鴉

眼中二妙忽相偈駑駘隨驥勞鞭撻祇應淨洗箏琶耳

坐聽鼓瑟雙靈媧

和答岩崎奇一七律用元韵即效其體

未得詩書氣豈儒小知惟見利前趨精通虹昂兮何益
信著丹青者不渝千古但成虧是論終朝分舜蹠之徒
聞君談輔車相倚纜補同文國所須

題迂武雄萬國誌畧用媧字韵

大地誰為記里車紛紛割據私為家海陸吞噬不相下
鯨鯢倏化為麀麀長雄竊号自娛樂奔走百隸來參衙
高掌遠蹠求領土如開棧道通褒斜得意騫翥翻雲鷗

失勢墮落黏泥花猛銳競爭國有豸合散倏忽軍如鷗
君書燦列等聚米折箠乃欲事答搗烏乎萬類本頑獷
胡為多事幻化生神媧

研經會招飲于星岡次韵答池田精一絕句

炎威不肯讓新秋得雨差強好倚樓坐上一時羅衆妙
他年江海記茲遊

巖谷孫藏席上索詩寫付一絕

經旬積雨不見日沈睡天公忽放晴眼看衆賓盡昏醉
酒樓送客豈勝情

言集
次韻和本田種竹

世故桑生海離心日似年竭來卸塵鞅相見掉觥船當
代逢晁監論文媿輞川翻嫌空谷裏微欠足跼然

人跡窮章亥書文混郢燕高林風易入初犢氣無前江
海期容納蛟蟲慎僕緣雨行焉用聖期子酒壚邊

赴江木冷灰等檀爨會之招會中諸公月一會此弟七
會也是日得贈詩十九首吾與啟兒席閒各和答三首

次江木韻

池心亭子水平橋菡萏香中度玉簫秋得波涵清更遠

月經雨洗耿猶嬌不辭暮色多霜露但恐巢痕在葦苕
準擬圓光滿寰宇陰晴難定可憐宵

次高島張韻

異國湖山作隼遊哀時詞客已驚秋高天政自完全月
燭火何煩點綴樓叢酒渴應青客眼繁憂碎欲白人頭
清詩妙曲縱橫奏那得當筵惹許愁

次岩溪晉韻

豎起晴光與眾看夜深圓滿怕清寒照來荷折香疑在
映到林空秀可餐歛豔金波如酒暈槎枒桂影學蛇蟠

言集
盧仝但解蛙宜磔豈識浮雲挾公難

又次韻和江木一絕句

問月從今幾夜團卻愁高處不勝寒清輝寫聽陰雲翳
醉裏歸心已自寬

赴本願寺之招席上次韻答管了公一首

擬從楚客往觀濤爲滯遊蹤未返朝八月槎頭天遠
大三神山外海周遭觀空久識人寰小問道今知法界
高世上風波何日定欲隨魚粥脫巾袍

高橋作衛屬題其尊人白山翁詩文集爲賦一律

蒼君製字鬼夜哭準備造物當彫鐫文化定歸天北極
飛行遠過海東邊可憐舊學縱橫筆爭奈傍行吞并權
苦憶銳身戎馬裏走投深友託遺編

赴永井久一郎之招坐中分韻得歌部賦一絕

連宵痛飲復狂歌又倒君家金叵羅祇恐醉中無檢束
蹴翻東海奈君何

濱邨衮爲刻竹印求題其印譜爲賦一絕

幽人貽我名園竹刻畫重煩繆篆家一技尚留秦漢泐
可憐蘭菊枉傳芭

齋藤木前贈詩索和今卻寄

泛海乘槎祇浪遊可能佳趣協滄洲東來三月清明少
白日浮雲無限愁

赴手島知德之招手島作五律二首見贈席上和答

雞黍故人約朋簪喜共來龐妻生菜送陶母壽堂開好
客真如命吟詩苦用才誰能掉頭公石罰莫辭杯

有客歡終宴朝醒抵日斜談經尋寂寞結境賞清華繼
卷論交地羈留奉使槎久要能罄折徑欲問東家

福岡縣有二村嘯菴者好藏名人書畫貽詩索字依韻

答之

先生好客如搏象藏弄齒牙當象看又似人間畫龍手
滿紙滄洲雲霧寒

赴郵船公同近藤廉平之招近藤園林最勝黃昏導遊
一周森槐南即席賦詩依韻和答二首

昨宵風雨苦縱橫未擬秋陰宵放晴天黑祇教疑月失
陽微豈敢與雲爭但看濁浪翻空捲那用清尊照眼明
浩蕩白鷗真萬里可能牛耳久寒盟

一園花竹暮烟橫天氣輕寒雨乍晴羈客自應牽別恨

棲鴉何事亦喧爭東瀛欲倒知誰挽北斗微斜認不明
後卅年中何限感老衰猶擬強尋盟

公自注坐上戲謂主人主婦卅年後

北京酒樓相候

赴上野精養軒應文部之招有馬祐政作絕句索和依
韻和之

風送新寒入骨輕繁星欺月黓秋城何當汎掃浮雲盡
天漢東西一色明

田所爰治文部秘書官有紙索詩賦一絕句

東海文明有本初當時漸被盛何如誰知岸谷多遷變

更向扶桑問秘書

德川家達索字為賦一絕

英霸威棱在海東府朝三百載雄風官然天下真遺蛻

惜少碑材與表忠

關義臣前寄三絕句今索和勉次其韻

鳧鶴高低竟孰賢狂言謬誤莫轟傳義農魯叟祧遷盡

楚客區區尚問天

吞象螺師自可驚兮珠象罔事難明寰區祇是一醯甕

得失雞虫盡浪爭

空幻何論果與因本來無物復誰真莊生蝴蝶更相笑
 旦暮無從索解人
 赴信夫祭之招祭字文則号恕軒能漢文同坐者岡本
 正輔亦通漢學席上次韵答信夫贈詩
 老拙不適用來充觀國賓言登君子堂秋色迴為春所
 談止風月譎詭皆情親先是讀君書知君韓李倫茂樹
 有棲羽深淵多潛鱗有一儒老翁古心無凡塵懷中盈
 尺書髮禿鬚如銀主賢客亦勝奧學均知津階前詠絮
 手治具茗苴木盤親傳送客主各任真中酒發狂嘯

浩歌驚鬼神所嗟雞德近况當風雨晨
 次韵答本田種竹

上方琛寶散蒿萊信有昆明劫後灰纔見新亭收對泣
 已聞白屋訪羣才哀時庾信悲歌老爛醉山公倒載回
 故舊招携張勝餞客愁無限一時開

赴本田種竹之招種竹有七律二首又疊前詩先韵五
 律二首席間次韵和其七律

百尺碑亭條已空多君留影記乾隆公自注種竹出示

御碑亭小影傍 舊巢痕掃同蘇子破屋風欺見杜公登

嶽舊知天下小迴瀾看障百川東老逢知已歌悲壯對
酒猶能氣吐虹

東海詩風有舊傳莫論王後與盧前玳瑁共玉不同價
雞犬隨家盡可仙畫革傍行應欲遍高文大冊已無緣
百年何用伊川歎且撥閒愁醉此筵

携兒子往訪小野愿年八十九矣少時勤王維新後早
弃官有漢學詩刻者已十卷聞吾至為一絕句依韵和
之

衛武而還弟一人艸堂背郭自成村徑須百事都遺弃

率領兒曹日掃門

伊澤夫人悟竹求詩為賦一絕

伊澤名修
二教育家

張具時時忝盛筵青絲生菜復親傳平生不作安昌客
卻信鴻妻定自賢

菊池晉見招余適忘之電話催往比到已九點鐘盡歡
而散歸寓已一點鐘然菊池自午後兩點鐘已到寓迎
候直至此時始散席間謝菊池晉一律

未是真逃醉後禪詩盟敵血豈宜寒玉山雖倒暗無怨
金谷能成罰尚寬旦日早臨嗤漢相老來忘事似師丹

世間期約元無定莫怪深秋速客難

菊池間字修軒菊池晉之父也作詩見贈依韵和之

歸塗方杳杳客思復悠悠祇道尊前好焉知別後愁艱

危肯辭遠搖落忽驚秋飲罷獨悵悵銀河正倒流

赴江木吏檀樂會之招席間次韵答江木一律

蓬島歸帆幾日程江楓愁殺庾蘭成浮天水外逢仙侶

貫月槎頭聽雁聲詞客流連黃菊節高秋忝住故人情

諸公刮目論唇齒佳氣龍蔥漢帝城

到西京往拜福原周峰亮福原與同社河井中島諸君

招飲於圓嶠樓席上依韵和答諸友三絕句食盡欲歸

奉使乘槎越大瀛為探學市結詩盟西京耆舊爭留客

且緩歸帆一日程公自注和富岡鍊齋

斯文風雨共高樓海外真看更九州來日濃陰已搖落

卻聞佳詠不知秋公自注和山田鈍

勝餞張圓嶠渾忘客主人諸公儻有問已醉濁醪醇公自注

注元唱失名

福原昨贈詩今聞索和依韵答之

飛鴻遠響入寥天羈旅辭歸意渺然底事人間有離別

祇令海外記因緣扶桑日暖知無恙震旦花開定幾年
詞客路歧鎮常有卻思固圍眷東偏

三島先生賦詩贈行途中卻寄

共機貧女願分允變調琴絃有改張遠聘觀風慙季札
險途整駕待王良帝鄉奉使驚初囀海嶠迴帆菊已
香寄語扶桑游俠客莫從脣齒鬥身強
允炯催和湯原來詩勉徇其意

積水浮空萬里遊飄然天地一孤舟非依佛忒皈三寶
不訪仙蹤記十洲坐見陸沈欲誰適向來肉食盡能謀

四荒八海行求遍會有人豪幅橫流

有備中玉島人田邊爲三郎投五律一首據云在東京
欲謁余聞余客多不寫往煩聒今幸同船以詩爲贄其
詩有警句云浴硯鯨波湧登樓嶽雪開余感其意依韻
和之

黃落關天事小虫安得催波神如上陸富媪亦無才
洞風烟接鴻濛且晚開逢君在歸艦儻共海瀾回
歸國時下田歌子爲短歌相送昨令早川君譯其意蓋
云幾欲留客而客不能留別淚漬滿衣袂欲將此淚化

為雨遍滋潤禹域之芳艸也感其意良厚為賦一絕寄謝

宮內宗師送歸客短歌自作意深長多君淚雨能成化樹蕙茲蘭長眾芳

船中次韻和早川先生

早川名新次桐城學堂教習

廿年不問楚江船北塞南雲各一天久別名山如舊識近鄉歸信喜先傳五湖一舸真堪老蠖屈龍伸定孰賢大帝那能長此醉後來狂狷已翹然

贈江叔海即送其之浙

以下安慶作

屠龍張叟千秋抱畫虎黎侯一代雄

公自注吾往年有句云黎侯萬里方

畫虎張子千金成屠龍故云爾

宰木侵尋都已拱古懽寥落復誰同心

香尚喜風流接肺坵仍聞族望通對子悅如親二妙可能蹤跡更西東

江叔海疊用前韻為二詩贈予亦疊韻酬答

不見中興三數公使君天下一英雄薦衡表出朝端重御李情多士論同鸚鵡郎君才不忝輶軒絕域語能通可憐拭玉論兵客祇贖卮言落海東王子裳太守贈詩四首率賦一律答謝

塵寰軒冕九牛毛貫月槎還不告勞獻策能安方內外
哦詩兼挾海風濤十年淮楚文章守萬國衣冠 明聖
朝側席至今勤夢卜似聞弓乘已頻招

馬通伯出示所藏姚惜抱手跡屬題一詩

縣城作

詞源豈必論宗派翰墨要當幅橫流天下高文歸一縣
先生晚出自千秋故鄉便恐遺風沫好事還能手跡留
眼底人才條新舊蒼茫古意浩難收

倫叔用拙詩答王子裳韻見贈一律疊韻奉酬

首功至竟上諸毛論賞誰云不副勞長憶鉅人勤述作

祇疑雄筆入波濤死留書冊驚窮海生見褒旌沐 聖

朝虎豹文章今尚在故山偕隱況能招

叔節用前韻賦謝墓文再疊韻奉答

共識趙宗有鳳毛誰憐幽抱困薪勞挂車夜月空留影
栲栳松風自作濤遺稿應藏金鑊室孤忠長記紫宸朝
埋辭那遽通神鬼為惜吟魂擬大招

疊韻再答倫叔

九州華實上腴毛萬國梯航獻見勞朝菌豈知時有晦
一蠡難測海成濤可無赤手紆陽轡更約名王款 聖

朝聞道兒孫競新學楚魂離散不須招

倫叔疊韵贈詩二章賦答

潘鬢當年見二毛同舟仙侶記賢勞鼎來再會尋書帙

磬折辭歸駕海濤歲月堂堂東逝水雲烟渺渺中興朝

倦遊遲暮還相對感舊無煩折柬招

五疊前韵答倫叔

舍人鼎貴口無毛方朔才多負米勞不信高天長醉夢

忽驚平地有波濤神州赤縣文明域 聖祖 高宗邇

治朝愴敵威稜知未墜遺賢白屋儻旁招

六疊前韵答倫叔

神驥憑君見一毛駑駘十駕悵徒勞羲和未肯留靈璫

鯨鯢偏能激怒濤懷寶失時將欲仕采薪有疾不能朝

千年師法分明在藪澤絙羅祇自招

七疊韵答倫叔

皮衣憑何更傅毛豕焦宮鬣若為勞生懷冤憤能填海

死有精靈尚作濤萬里幅員神禹域兩陵慈鬱 聖清

朝羊牢補葺元非晚祀國私憂定自招

八疊韵答倫叔

縱邀異禮衣毛衰老求榮實憚勞但見堅冰始霜露
那聞尺水起波濤世多簪紱懷鄉井古有江湖戀本朝
心跡未應成楚越任從舟子自招招

試帖四首

附

賦得桂樹冬榮得風字

甲子鄉試

記得天台桂秋香送晚風如何冬粟烈更見樹龍葱直
幹森森處寒飈颯颯中一枝高嶺秀羣木小山空霜下
翻條暢春前自棟通雖無金粟綴猶帶雪花融蘭茂清
芬喻松貞晚節同呈材逢 盛世楨幹拱 蒿宮

賦得蘆筍生時柳絮飛

乙丑會試

春信洋川早寒蘆筍又生柳遮千樹暝絮散一天晴芽
短河豚上花柔海燕爭綠搖溢浦晚白糝灞橋平烟翠
三义港風香十里程銜猶遲雁到吹恰見魚行菰米懷
前渡萍絲記後盟 龍池芳蔭好在藻荷 恩榮

百花生日

改作

競說花初度何年此日生風光開錦繡天氣釀陰晴蕊
破胎新孕葩含骨已成添丁香有種結子樹多情出世
同曇現前身證月明降靈從閨苑送喜到蓉城作賀深

穿蝶騰歡嫩囀鶯 禁林佳麗地獻壽上蓬瀛

五丈原懷古改作

不盡興亡感臨風弔武侯荒烟屯戍古宿草墓原秋列
陣通蛇鳥奇功到馬牛馳驅先帝命開濟老臣謀漢鼎
三分定桑田八百留餘威驚北敵私祭遍西州巾扇英
風杳星辰上相收祠堂森古柏題詠遍名流
陳伯平太守將歸長沙用辛稼軒摸魚兜元韵留別余
勉和一闕附
看夫君楚雲湘雨飄然一舸西公江湖合眼多情思夢

繞觚棱無數休穩住怕鷓鴣鳴時斷送尋芳路臨歧對
語一霎到黃昏平臯極望顛撲儘輕絮長相憶早被
嬋娟坐誤多情遠別猶妒明妃馬上琵琶曲怨恨分明
如訴如意舞這大海迴瀾那便成梁土傷離意苦悵春
水浮花秋雲捲葉飄轉定何處

伯平疊前韵再贈余亦再和

綠參差更添新雨黃鸝何事飛公多因林外拋金彈已
似恒河沙數飛且住又卻是烟橫樹暝無歸路憑風寄
語問歸雁衡陽哀鳴欲下甚處覓蘆絮南飛翼生怕

詩集
緝羅絳誤傳聲雄鳩休妒知時遠引生來性老盡秋光
誰訴紅葉舞收拾了秋荷粉色如黃土鳴儔正苦會盼
到春來兌風轉蕙還向暖回處

三和

劇愁予滿天烟雨愁時君又歸去黃鶯惜別渾無那試
聽頻嘯聲數行小住此去是湛湛江水傷春路君歸寄
語謝湘水冤魂長沙妖鳥往恨逐風絮 還山計早定
十年未誤而今相送應妒客中賴有知音在別後羈懷
誰訴狂欲舞那管得天涯淪落汗塵土孤遊最苦怕地

變天荒愁心寸折身世渺何處

四和

憶高唐夢中雲雨荒臺無那人公行舟指點當時楚泯
滅不知年數烟棹住又共惜懷王禍胎商於路江靈夜
語鷓首翦歸秦天胡此醉興壞抵飛絮 朝天事莫爲
尊鱸自誤當熊膽氣誰如謝公自爲蒼生出幽怨桓伊
能訴鴝鵒舞歎夷甫諸人翻浪神州土清商奏苦正玉
殿思賢文章太守高卧釣遊處

詩集附錄
題金陵湖廣會館
汎洞庭湖八百里秋波挂席來遊三楚風濤攜袖底邀
太白樓一千年明月憑欄遠眺六朝烟景落樽前
壽曾襲侯
懋德所綏橫大海內外斯民之望與太傅後先
為李相題程忠烈祠
堅城垂拔壯士先摧當時若失左右手百戰論功一言
決策如公可謂文武才
冀州廳事聯額

題金陵湖廣會館

詩集附錄

汎洞庭湖八百里秋波挂席來遊三楚風濤攜袖底邀

太白樓一千年明月憑欄遠眺六朝烟景落樽前

壽曾襲侯

懋德所綏橫大海內外斯民之望與太傅後先

為李相題程忠烈祠

堅城垂拔壯士先摧當時若失左右手百戰論功一言

決策如公可謂文武才

冀州廳事聯額

詩集

集

善事上官無失名譽頗哀老子使得遊遨 坐嘯畫諾

之齋

為鄭筠似題武邑書院

明公家法有禮堂寫定之經異日當成通德里此地昔

時多燕市悲歌之士為我一弔望諸君

挽沈祿君

羈兔有靈月夜當隨妻子公冤情如海來生再結弟兄

緣

挽賀墨齋夫人

夫壻瓌才蚤死乃真成憾事嬰兜文祿後來當更得佳
人

題保定淮軍公所

生為人傑沒乃兔雄浩氣拱神京三沆爭曜白骨成灰

丹心不死義聲與淮水萬古長流 總祠 訝許功名天

事三分人事小順三分四分與天拗是誰鍾毓淮水千

里泚水不能千里百里入淮流 大祠 高節變風雲坐

客歎歎擊筑欲邀燕市飲遺芳在蘭菊禮魂容與傳葩

疑唱楚人騷 戲臺 劃然軒昂 展詩 會舞 戲樓扁

此鄉乃俠窟餘風萬丈白虹馬生角何處訪戰場故
事一堆黃土豹留皮會館

集佛峪經殘字壽李相

我國有大老是身得長生

集佛峪殘字壽張廉卿

名德空千歲聲施滿四維

集蘇句壽五弟詒甫

孔融不肖下曹操東坡持是壽卯君

壽裕壽泉方伯母喜臘塔太夫人

家
國倚賢郎雙旌敷歷左右輔天相壽母八座起居忠孝

又為直隸官吏壽裕壽泉太夫人是歲 太后萬壽

天子萬年 皇恩錫類邦畿千里明酒稱觴

挽李相夫人

相國垂聲千載配相國因之千載真千載難逢神其奚
憾夫人來歸卅年封夫人亦及卅年極卅年榮遇公可
無傷

賀王繹如入贅

在昔吹簫傳弄玉祇今坦腹得王郎

壽王佩卿二尹

吾與夫子南北海今至後日龜鶴年

壽馬通白

及身彊健久不達為古文章蚤有聞

壽范月堂

兄弟以頭腹尾擅譽文字與梅曾張代興

贈西醫寶威理羅著志扁額二

醫宗神技 壽國醫王

挽薛叔耘星使聯幃

貫月槎還弭節忽驚新夢破堆霜鬢改曳裾空記舊痕

多 生入玉門

挽汶上府君

視官事如身身瘁多因急民病解縣符召我我來何處

共君言

挽劉省三爵帥

是淮軍傑出奇才龍性難馴休沐輒尋黃石約與國家

規宏大業芻言謬采入朝曾草阜囊封

言集
三
為潘黎閣集句壽孫燮臣尚書

見聞采自殊鄰聲名過海學問傳之 天子標望絕人

挽姚慕庭母

少侍當代儒宗足跡所經東極日出西極日入老作一家福蔭膝前之愛既有文子又有文孫

挽王鼎丞方伯

當年定交在太白樓頭倚馬才高共看人敬張君嗣異日掩淚過八公山下停車腹痛苦憶書論盛孝章
挽長姨方宜人

姨嘗有離鸞別鵠之傷今儻重逢泉路我方抱斷鴈驚鴻之痛奈何又送喪車

挽譚玉岑大令

兩年拙宦身既去猶思花縣風流今頓盡一卷高文口相傳以熟蓮池弟子欲中分

挽葉少韓母

當年送贈允祿歸山曾為九原彌憾事此地有先中丞遺澤竭來廿載又賢郎

挽張筱傳夫人

毓於名父嬪於勞臣內外宗所尸祝身有榮封後有良
嗣六七葉之門風

為王哲臣書聯額

異書畢集英俊域多識勝披山海圖 博覽齋

贈李剛已

奇才閒出漢三輔閱識下視禹九州

挽袁鷺賓

我無吏能在官以善士劬勸為樂君今客死令人感故
交零落而悲

集韓文賀蔡甫嫁女

裕其為仁肅其為禮媒者曰宜卜者曰祥

為子翔壽潘藜閣太守

世傳南海北海績公今五馬一馬騮

題貞節坊二

騰輝芝檢承殊寵矜式蘭閨仰令儀 毓德名門有古

訓遺經令子見高風

挽湯源清祖母

紫誥煥絲綸當年顧託真無忝黃泉要溫清孝子追陪

劇可傷

挽翁大家

鄉大夫欲上史官豈徒苦節冰霜傳業兼通文選學女
免曹頓公師表記取行年八十買絲還繡飲仙圖

挽邵班卿

才氣欲何為空贖危言留在世是非誰管得却緣清議

惜斯人

挽宋弼臣母

與郎君十載論交每祝高堂長壽似夫人一生好善定

知後嗣多賢

挽馬璧如母幃

神襟蘭郁

神扁

神麗顯融

挽鄉先輩某君

與先大夫當時行輩相隨經明行脩有如公者蓋亦鮮
近三數年諸老風流頓盡後生小子何所憚而不為非
挽潘藜閣太守

我聞彭澤將歸得一郡小留遽至於此世與君平相弃
幸夫人無恙今其奈何

挽中島成章母

郎君學問具神通起自震旦包東海西海阿母慈悲真
智度疑與摩那為前身後身

慶李相孫偉侯嘉禮

將相傳家真有種陽和得氣便成春

挽賀墨儕母

有文郎競爽又八十齊眉自是德門神所勞止嬌女先

歸為生平一憾尚教在日耳無聞

挽姚錫九

一生備歷險阻艱難為奇童為英寶為循吏半駕脫弃
宗親骨肉有愛弟有弱子有孀妻

挽許仙屏

當年丞相留賓競推男子張君嗣昨夜故人入夢遠媿

平生范巨卿

挽吳梅塘

治行絕芬華南北宦遊如子少鄉邦盛文獻方廿年輩

到今稀

挽宗人雪巖

苦我浪遊剩欲耦耕偏不待聞公健在奈何一疾便長

辭

挽王畏甫同年

吾父之高弟吾兄之碩交一老慙遺今永別良子為前

驅良嬪為後繼九京親愛若平生

挽劉薊林觀察

如明公可謂才臣鄙夫謬附清流能無杜門齟舌知太

史當成佳傳賤子欲求行狀一為鑽石埋辭

集句贈王子翔

事不終始無務多業任有小大惟其所能

挽韓滄泉

男闔生謹察韓君不得志於宦塗始病禱劉公之神而愈方擬報賽請先公為作楹聯

未幾遽卒故有天上劉公云云

運去挽留難天上劉公無用處變多迴避好人間蔡澤

有衰時

題武強賀氏家祠

太行左轉山川清淑之氣鍾焉其族世所謂甲乙明德

代興祖宗詩書之教遠矣乃今大發為文章

題安平弓氏家祠

北枕沙唐滋三水南俯滹沁中有仁人之里遠媿漢晉

魏諸崔近師顏李蔚為方志之光

挽蕭敬甫母

夫人壽考冠鄉閭允推國瑞令子交遊滿天下足為親

榮

壽葉少韓

共識韋平有家法喜從羣紀得心交

挽昌黎史香雅

遠別已三十年記賓館留賢看子一過丞相府近畿方

五百里自先生即世何人更應少微星

題陳雨樵家祠

男闔生謹案陳氏祠在大舜河上流傍有曹娥廟雨樵請以此義為聯語前四

聯皆改門人之作後首公自撰

祖宗忠厚留遺由來遠矣歲時烝嘗祭享可不敬乎

陟降遙通魂魄常依華屋春秋展祭馨香宜徹幽泉

春露秋霜正蒞藻流芳蘋蘩煥彩左昭右穆喜宗支蕃

衍翳爽憑依 孝友景先賢難弟難兄况見德星長聚

祠堂鄰古渡羣昭羣穆共分明月無邊
 舜水長流萬子孫遠託靈宗無自忘其鼻祖漢碑永峙一女郎尚能
 盡孝何況生為丈夫
 壽唐宅太夫人
 郎君仕宦有聲娛茲貴壽阿母詩書之氣蒸為太和
 挽張瀚詹
 拾芥視真除死前竟未據懷抱蓋棺無定論身後誰能
 管是非
 壽方雲畊父母聯額

公與夫人蔚成國瑞子為儒吏振此家聲 美意延年

挽陳伯平母

生存百年入圖書蚤歲鴻妻晚歲文伯母將養諸兒盡
 才儁小兒召父大兒朱雲師

壽余星如

仕路陸沈真大隱義風山積自長年

集句贈宗人某

文章之作恒發羈旅本支之祚實隆鄙宗

挽牛藹如母

痛冢嗣為國難捐生建鼓求亡泉路永有文孫繼家聲
為吏舉惟行部 聖恩多

挽李筱泉制軍

從師得千載一見之人直取旌麾作衣鉢有弟為五洲
百傑之選早將家世服單于

慶吳詠湘昏禮集句

譽望所歸允集茲日本支之祚實隆鄙宗任彥昇 傅季友

集句贈李光炯

我聽其言未云足君知此意不可忘

集句贈桂玉暉

正始風流起頽俗少日才華接貴游

壽裕壽山

照海旌麾懾猿鳥傳家簪紱邁金張

集句壽廷用賓

自是君身有仙骨應須極貴又長生

挽李侶仙

總角相知獲交先子門牆晚歲猶能時促席騎箕徑去
寄語西君夫婦孤兒聞道已扶牀

挽姚慕庭

文獻凋蕪尚喜名門有家法兵戈阻絕更堪故國失詩人

挽李剛已尊人

干祿勸遲迴辜負賢郎三釜意蓋棺便紛擾完成平世百年身

挽闔鶴泉尊人

置身在物外烟霞下走南北海浪遊避我公三舍有子為禁中頗牧方志二百年故事止此老一人

題深州李氏家祠聯額

秦陽用農業蓋一州史筆當成佳傳石奮唯躬行教諸子家聲哭過名儒仙李盤根

題深州郭氏家祠

前朝名吏以素知兵繫中州安危豈止六壬淺術今代德門唯陰行善使累葉繁盛更多三甲壽徵

慶李簡廷昏禮

當使尊章相見交賀自今夫婿得助益彰
壽曹東屏夫人集句

自是秦樓壓鄭谷莫嫌野雉疏家雞

集句贈友

諸葛大名垂宇宙子山新賦極悲哀

贈金壽民

夙夜惟寅若涉淵水遐邇僉服甚於置郵

挽李文忠公

男闔生謹案先公日記自注云大含元氣二言昔公初見時見教語也

教我兩言與元氣侔又入無間別公幾日為天下慟且哭其私

又代馬璧如挽李相

恩詔所褒任旋乾轉坤之難事湘鄉有約為飲冰茹蘗之勞臣

集韓文成句挽李仲彭襲侯

父忠而子果孝身貴而後有聞

挽王氏女子

弱息繞牀疑母寢離魂留夢待郎歸

挽完縣王卿雲大令

祇一瞬千秋誰顧狂虜氣燄携同城二友下報 聖清

祖宗

挽柯敬孺

學行實難弟難兄族姓與公忝相附循績遍江南江北
鄉閭生子以為名

挽李幼軒

閒過王謝烏衣巷苦憶生平馬少游

又代李仲仙中丞挽幼軒

眼中犀角今何在水上鳶飛有所思

為蘇伯恭壽賀墨儕尊人

庭有小兒著五綵服公在今世為萬石君

賀李光燭嫁妹

乾端坤倪人能宏道曰吉月利姪其從姑

桐城縣學堂聯額

後千百年人材奮興胚胎於此合東西國學問精粹陶
治而成勉成國器

集聯

奕學丕天懿文華國清機昭理大業鎮浮器範曠夷

才猷膚敏風華靈茂天韻閎深抗志極高守氣甚約

以時自壽副人所瞻華國粹賢逢辰吉日三元精發秀

冲氣鍾和 國之老成士所素仰忠能與善美務成人
 仁以曲成義惟兼濟學周事變行應表儀 美行邁
 倫高材濟務深忠許國令德在民 仁在曲成義惟兼
 善朝所恃賴士相據依 龔氣堪輿稟精河岳鍾才閎
 遠逢運休明 固有神明陰來輔相甫臨穀旦宜介多

祥千百平人林會與部公此合東西國學問辭

爾神得學堂維

神靈助入指安良日吉民師致其效故

賢宰次厥教故



